



永樂大典卷之二萬四百七十八

二質

職

洪武正韻之石切。執掌也。主也。常也。等也。許慎說文職。記微也。从耳。戠聲。之弋切。徐鍇通釋。按周禮國有六職。皆主記事之微也。章直反。爾雅。翕翕

訖訖。莫供職也。邢昺疏。釋曰。言賢者陵替。姦黨熾。威背公。恤私曠。其職事

無肯供職也。小雅。小旻云。滄滄訖訖。亦孔之哀。毛傳云。滄滄。然患其上。訖

訖。然思不稱乎上。鄭箋云。臣不事君。亂之階也。甚可哀也。顧野王玉篇。支

力切。孫愐唐韻之翼切。博雅云。業也。又姓。周禮有職方氏。其後因官為姓。

漢有山陽令職。洪張參五經文字。從身者訖。丁度集韻。職。質力切。或从身

作職。戴侗六書故。專聽也。說文曰。記微也。引之為專掌。詩云。職思其憂。傳

曰。職。汝之字。官者必有職。掌故謂官職。韓道昭五音集韻。職。俗。楊桓六書

統照母。職。統。聲。職。隸。職。俗。熊忠韻會。舉要次商清音。又職。職多也。莊子。萬

物。職。職。周伯琦六書正譌。記而主之也。記必先於聽之聰。故从耳。俗作職。

非字。溱博義。職。亟。愛也。東齊海岱謂之亟。詐欺也。出方言。自關而西。秦晉

之間。凡相敬愛。謂之亟。吳越間謂之憐。職。趙謙聲音文字通職。執事主常

者。从耳。所以詳察審聽之。借凡所當為者。皆曰職。臣職。子職。之類。周禮。各

共爾職是也。又脯臍也。或轉植作臍臍。非儀禮臍長尺二寸合正。又艸名亦轉識。夏小正臍識作臍。非爾足臍。黃蔭注葉似酸。蔕華小而白。中心黃。江東以作菹。食俗字韻會定正。照亟。篆。切執掌事業也。字切照亟。照真。臍職。書。篆。並古。孝經。臍。王庶。子碑。

職。集韻並見。杜从古。集篆古文韻海。職。臨二十體篆。職。徐鉉。隸。書。職。柳。敏。

碑。職。樊安。碑。職。西狹頌並洪。職。華山。碑。職。樊毅。碑。職。張納。碑。職。袁良。碑。

職。曾峻碑並。真。書。職。智。職。歐陽。職。虞世。職。顏真。行。書。職。蕭。誠。

草。書。沐。智。沐。並張。沐。鮮于。沐。趙子。昂。

六職。周禮天官小宰以官府之六職辨邦治。一曰治職以平邦國。以均萬民。以節財用。二曰教職以安邦國。以寧萬民。以懷賓客。三

曰禮職以和邦國。以諧萬民。以事鬼神。四曰政職以服邦國。以正萬民。以聚百物。五曰刑職以詰邦國。以糾萬民。以除盜賊。六曰事職以富邦國。以

養萬民。以生百物。冬官國有六職。百工與居一焉。注。天地四時之職。疏曰。謂國家之事有六種。職掌。又曰六職。天官冢宰。地官司徒之等。又曰六職。即經所云。或坐而論道。或作而行之。或審曲面執。以飭五材。以辨民器。或通四方之珍異以資之。或飭力以長地財。或治絲麻以成之。是也。八

職

周禮天官宰。夫掌百官府之徽。令辨其八職。一曰正。掌官法以治要。二曰師。掌官成以治凡。三曰司。掌官法以治目。四曰旅。掌官常以治

數。五曰府。掌官契以治藏。六曰史。掌官書以贊治。七曰胥。掌官叙以治叙。八曰徒。掌官令以徵令。九職。周禮天官太宰以九職任

萬民。一曰三農。生九穀。二曰園圃。毓草木。三曰虞衡。作山澤之材。四曰藪牧。養蕃鳥獸。五曰百工。飭化八材。六曰商賈。阜通貨賄。七曰嬪婦。化治絲

枲。八曰臣妾。聚斂疏材。九曰閭民。無常職。轉移執事。劉向說苑君道篇。當堯之時。舜為司徒。契為司馬。禹為司空。后稷為田疇。夔為樂正。倭為工師。

伯夷為秩宗。皋陶為大理。益掌馭禽。堯知九職之事。使九子者各受其事。皆勝其任。以成九功。內職。周禮女史八人。掌王后之禮。掌

內治之職。以詔后。內治內政。詩彤管疏。女史銅管法。如國史主紀。后夫人之過。人君有柱下史。后有女史。內外各有官也。西漢會要漢興。因秦之稱

號。妾皆稱夫人。又有美人、良人、八子、七子、長使、少使之號焉。至武帝制使、侍、嬪、娥、倅、倅、華、充、依、各有爵位。而元帝加昭儀之號。凡十四等云。昭儀位視丞相。爵比諸侯王。使、侍、視上卿。比列侯。嬪、娥、視中二千石。比闕內侯。倅、華、視貞二千石。比大上造。美人視二千石。比少上造。八子視千石。比中更。充、依、視千石。比左更。七子視八百石。比右庶長。良人視八百石。比左庶長。長、使、視六百石。比五大夫。少、使、視四百石。比公乘。五官視三百石。順、常、視二百石。無、涓、共和、娛、靈、保、林、良、使、夜者皆視百石。已上凡十四等。上家人子、中家人子、視有秩、斗食。並外戚傳諸姬。諸姬見高五王傳。又文紀薄姬注。如淳曰。姬。衆妾之總稱。漢官儀曰。姬妾數百。外戚傳。亦曰幸姬戚夫人。師古曰。姬。本周之姓。貴於衆國之女。所以婦人美號。皆稱姬焉。史記云。高祖居山東時。多美姬是也。長御。突太子傳。長御倚華。趙皇后傳。宮長。李南漢官考云。長御。即宮長也。材人。翼奉傳。未央建章甘泉。材人各百數。藝文志。未央材人。師古曰。材人。天子內官。待詔掖庭。元帝賜單于待詔掖庭。王喬為闕氏。應劭曰。郡國獻女未御。見須命於掖庭。故曰待詔中宮史。許皇后傳。曹立。學士史。許皇后傳。曹宮。太子有妃。有良娣。有孺子。凡三等。外戚傳。太子中人。李敢女為太子中人。皇孫妻

稱夫人。文皇孫王夫人。皇孫妾無位號。皆稱家人子。外戚傳。雜錄。元

帝既重傳捷仔。及馮捷仔亦幸。生中山孝王。上欲珠之於後宮。以二人皆

有子為王。上尚在。未得稱太后。乃更號曰昭儀。賜以印綬。在捷仔上。昭其

儀尊之也。至成哀時。趙昭儀董昭儀皆無子。猶稱焉。傳昭儀傳。傳昭儀及

子定陶王。愛幸寵於皇后太子。康衡上疏曰。臣聞室家之道脩。則天下之

理得。故詩始國風。禮本冠婚。始乎國風。原情性而明人倫也。本乎冠婚。正

基兆而防未然也。福之興莫不本乎室家之道。衰莫不始乎梱內。故聖王

必謹妃后之際。別適長之位。禮之於內也。卑不逾尊。新不先故。所以統人

情而理陰氣也。其尊適而卑庶也。適子冠乎阼。禮之用醴。衆子不得與列。

所以貴正體而明嫌疑也。非虛如其禮文而已。乃中心與之殊異。故禮探

其情而見之外也。聖人動靜游燕所親。物得其序。得其序。則海內自脩。百

姓從化。如當親者疏。當尊者卑。則佞巧之姦。因時而動。以亂國家。故聖人

謹防其端。禁於未然。不以私恩害公義。陛下聖德純備。莫不脩正。則天下

無為而治。詩云。于以四方。克定厥家。傳曰。正家而天下定矣。康衡傳。孝成

趙皇后既立。後寵少衰。而弟昭儀絕幸。為昭儀居昭陽舍。其中庭彤朱而

殿上繫漆。切皆銅沓。冒黃金。塗白玉。階壁帶。往往為黃金釭函。藍田璧。明

珠翠羽飾之。自後宮未嘗有焉。趙后傳建始三年冬。日食地震同日俱發。詔舉方正直言極諫之士。谷永對曰。明王即位。正五事。建大中以承天心。則度證序於下。日月理於上。如人君淫溺後宮。般樂游田。五事失於躬。大中之道不立。則咎證降而六極至。凡災異之發。各象過失。以類告人。乃十二月朔。日食。嫫女之。於地震蕭牆之內。二者同日俱發。以丁寧陛下。厥咎不遠。宜厚求諸身。意豈陛下志在閨門。內寵大盛。女不遵道。嫉妬專上。妨繼嗣歟。古之王者。廢五事之中。夫夫婦婦之紀。妻妾得意。謁行於內。執行於外。至覆頌國家。或亂陰陽。昔褒姒用國。宗周以喪。閭妻驕扇。日以不臧。此其效也。夫妻之際。王事綱紀。安危之機。聖王所致謹也。昔舜飭正二女。以崇至德。楚莊忍絕丹姬。以成伯功。幽王惑於褒姒。周德降亡。魯威脅於齊女。社稷以傾。誠修後宮之政。明尊卑之序。貴者不得嫉妬專寵。以絕驕嫚之端。抑褒閭之亂。賤者咸得秩進。各得厥職。以廣繼嗣之統。息白華之恣。後宮親屬。饒之以財。勿與政事。以遠皇父之類。損妻黨之權。未有閨門治而天下亂者也。谷永傳其夏。復令方正對策。永對曰。日食地震。皇后貴妾專寵所致。陛下誠深察愚臣之言。平天覆之施。使列妾得人人更進。猶尚未足也。急復益納。宜子婦人。毋擇好醜。毋避嘗字。毋論年齒。推法言之。陛

下得繼嗣於微賤之間。乃反為福。得繼嗣而已。母非有賤也。後宮女史使令有直意者。廣求於微賤之間。以遇天所開古。慰釋皇太后之憂。愷解謝上帝之譴怒。則繼嗣蕃滋。災異訖息。谷永傳杜欽對策曰。日以戊申。蝕時加未。戊未。土也。土者中宮之部。其夜地震。未央宮殿中。此必適。妾將有爭寵相害而為患者。唯陛下深戒之。正后妾。抑女寵。防奢泰。去佚游。如此。即堯舜不足與比隆。咎異何足消滅。杜欽傳。哀帝召董賢女弟。以為昭儀。位次皇后。更名其舍為椒風。以配椒房云。董賢傳。五官呂下。葬司馬門外。外戚傳。東漢會要。周禮。王者立后。三夫人。九嬪。二十一世婦。八十一女御。以備內職。秦并天下。多自驕。大官備七國。爵列八品。前書曰。漢興。因秦之稱號。正嫡稱皇后。妾皆稱夫人。又有美人。良人。八子。七子。長使。少使之號。漢興。因循其號。而婦制莫釐。高祖孝文。選納尚簡。飭玩少華。自武元之後。世增淫費。至乃掖庭三千。增級十四。婕妤一。姪娥。容華。三。克依四。已上武帝置。昭儀五。元帝置。美人六。良人七。七子八。八子九。長使十。少使十一。五官十二。順常十三。舞酒。共和。娛靈。保林。良使。夜者。十四。此六官品秩。同為一等也。妖倖毀政之符。外因亂邦之迹。前史載之詳矣。及光武中興。斷彫為朴。六宮稱號。唯皇后貴人。賁人。金印紫綬。奉不過粟數十斛。又置美人。

宮人采女三等。並無爵秩。歲時賞賜充給而已。漢法常因八月筭人。遣中大夫與掖庭丞及相工於洛陽鄉中。閱視良家童女。年十三以上。二十以下。姿色端麗。合法相者。載還後宮。擇視可否。乃用登御。所以明謹聘納。詳求淑哲。明帝聿遵先旨。宮教頗修。登建嬪后。必先令德。內無出閭之言。權無私溺之授。可謂矯其敝矣。向使因設外戚之禁。編著甲令。改正后妃之制。貽厥方來。豈不休哉。雖御已有度。而防閑未篤。故孝章以下。漸用色授。恩隆好合。遂忘淄蠹。皇后紀鄧太后久臨朝政。官婢出入。其耆宿者。皆稱中大人。鄧后傳女尚書。陳蕃傳注云。宮內官也。皇子封王。妾數無限。別乃制設正適。曰妃。取小夫人。不得過四十人。百官志注南史。齊高帝建元元年。置美人中才人。才人為散職。齊高帝建元三年。太子宮置參內職。良娣比開國侯。保林比五等侯。才人比駙馬都尉。梁武定令。制良娣保林為貳職。美人才人良人為三職。婕妤容華充華。承徽列榮。為五職。北史後魏高祖置女侍中。眡三品。置女尚書。眡三品。魏孝文置女職。以典內司。視尚書令。僕作司。大監。女侍中。三官視二品。監女尚書。美人女史。女賢人。女書史。書女。小書女。五官視三品。中才人。供人中。使。女生。才人。恭使。宮人。視四品。青衣。女酒。女饗。女食。奚官。女奴。視五品。魏志略。魏明帝

遊宴在內。選女子知書可付信者為女尚書。唐會要舊制皇后之下。有貴妃。淑妃。德妃。賢妃。各一人。為夫人。正一品。昭儀。昭容。昭媛。脩儀。脩容。脩媛。充儀。充容。充媛。各一人。為九嬪。正二品。婕妤九人。正三品。美人九人。正四品。才人九人。正五品。寶林二十七人。正六品。御女二十七人。正七品。采女二十七人。正八品。以備周禮六宮之數。其外又有尚宮。尚儀。尚服。尚食。尚寢。尚功。分掌宮中服御藥膳之事。宮正糾慝。彤史紀功。書過。龍朔二年。改易官名。置贊德二人。正一品。以代夫人。宣儀四人。正二品。以代九嬪。承門五人。正四品。以代美人。承旨五人。正五品。以代才人。衛仙六人。正六品。以代寶林。供奉八人。正七品。以代御女。持節二十人。正八品。以代采女。置侍中三十人。正九品。咸亨二年。復舊。高祖太宗。黜隋之亂政。未下車而大赦宮女。正位配尊。惟其舊德。宮闈之職。備員而已。所謂刑于內以正乎外。及高宗永徽之後。政出宮中。公卿大夫。罔不憚服。其取威也。多山陵未畢。而冢嗣再廢。遂掘翦皇室。改立宗社。非一朝一夕之故。其所由來漸矣。及中宗追王韋氏。崇寵三思。使以先朝故事。尊誘之。於是慶雲之瑞。宣于朝廷。桑女之歌。布於天下。防閑之道。大壞。逆亂之謀。構矣。卒以禍敗。為後王。誠玄宗即位。大加懲革。內外有別。家道正矣。按杜氏通典。內官有惠妃。

麗妃華妃。正一品。淑儀。德儀。賢儀。婉儀。芳儀。六人。正二品。美人四人。正三

品。才人七人。正四品。與王史所載。率背不同。其間名號。亦有見於國史。但

不詳所出。今跡之於後。以示廣記。高祖貴妃萬氏。生楚王智雲。性恭順。

高祖甚重之。諸王妃主。莫不推敬。後為楚國大妃。陪葬獻陵。德妃尹氏。生

豐王元亨。昭儀宇文氏。隋大將軍述之女。生韓王元嘉。魯王靈夔。皆為貴

王。早承寵遇。欲以之為后。固辭不受。婕妤郭氏。生徐王元禮。婕妤劉氏。生

道王元慶。太宗妃楊氏。隋煬帝女。生吳王恪。蜀王愔。妃陰氏。生庶人祐。妃

燕氏。生越王正。江王蒼。妃韋氏。生紀王順。妃楊氏。生趙王福。充容徐氏。石

惠。常侍望之姑。生五月而能言。四歲誦詩。八歲能文。初為才人。俄拜為婕

妤。尋遷充容。時軍旅亟動。宮室互興。百姓勞苦。上跡論諫。太宗善之。永徽

元年卒。年二十四。詔贈賢妃。陪葬昭陵石室。高宗淑妃蕭氏。生許王素節。

中宗昭容上官氏。睿宗德妃王氏。生宣惠太子。玄宗貴妃楊氏。華氏。劉

氏。主。皇帝珠璣。子琬。儀王。遂麗妃趙氏。生廢太子。典。妃錢氏。

主。王瑛。德儀皇甫氏。生鄂王瑤。婕妤柳氏。範之孫。家有學尚玄。

甚重之。生延王玢。順儀郭氏。制南節度。虛已之妹。生永王璘。賢儀武氏。

則。天時高平王重規。女宮中。魏小武妃。生涼王璿。樂。婕妤高氏。生

類王。徽。肅宗妃韋氏。刑部尚書堅之妹。肅宗在儲位。選為妃。生亮。妃崔氏。

生郭王德。婕妤陳氏。生彭王。德。婕妤段氏。生祀王德。德儀裴氏。生襄王。德。

代宗貴妃獨孤氏。生昭靖太子。德。妃崔氏。生韓王。德。妃崔氏。從書監。岫之。

女。韓國夫人楊氏。即貴妃甥也。德宗德妃氏。賢妃韋氏。昭儀王氏。修儀趙

氏。昭儀王氏。昭容王氏。昭媛王氏。修容氏。充容崔氏。充儀楊氏。順宗德

妃董氏。賢妃王氏。昭儀王氏。趙氏。王氏。崔氏。張氏。昭訓閻氏。崔氏。憲宗

妃紀氏。昭儀何氏。有節行。追贈。穆宗貴妃武氏。本才人。義豐公主母也。大

和中。追贈。敬宗貴妃郭氏。文宗淑妃王氏。德妃王氏。賢妃楊氏。賢妃劉

氏。武宗德妃劉氏。賢妃王氏。昭儀吳氏。沈氏。修儀董氏。婕妤張氏。趙氏。

宣宗昭儀吳氏。趙氏。婕妤柳氏。懿宗淑妃郭氏。生同昌公主。帝在藩

邸。常經重疾。妃侍醫藥。見黃龍。出入臥內。既聞。妃以吳。帝曰。慎勿言之。

貴。必不相忘。婕妤崔氏。王氏。雜錄 正觀十三年二月二十五日尚書

八座議曰。謹按王者正位。作為人極。朝有公卿之列。室有嬪御之序。內政

修而家理。外教和而國安。爰自周代。洎乎漢室。名號損益。時或不同。然皆

寤寐賢才。博采淑令。非唯德洽宮壺。抑亦慶流邦國。近代以降。情溺私寵。

掖庭之選。有乖故實。或微賤之族。禮訓蔑聞。或刑戮之家。怨氣充積。而監

掖庭之選。有乖故實。或微賤之族。禮訓蔑聞。或刑戮之家。怨氣充積。而監

次名級。入侍宮闈。即事而言。竊未為得。臣等伏請。自今已後。後宮及東宮內職員。有關者。皆選有才行充者。若內無其人。則旁求於外。采擇良家。以禮聘納。永徽六年十月。武后未立。上特號為宸妃。侍中韓瑗。中書令來濟。奏言。帝王嬪妃。自有恒數。今若別立妃號。臣等切以為不可。乃止。正元六年七月九日。太常卿崔縱奏。謹按司封令及六典。王母為太妃。高祖。宇文昭儀生韓王元嘉。後為韓國太妃。太宗燕妃生越王正。後為越國太妃。今諸王母。未有封號。請遵典故。其月吏部郎中柳冕等。狀稱歷代故事及六典。無公主母稱號。臣謹約文比義。公主母既因公主而貴。伏請降於王母一等。命為太儀。各以公主本封加太儀之上。勅旨依。元和四年。德宗皇帝妃韋氏卒。廢朝三日。妃祖濯。尚中宗女定安公主。官至衛尉少卿。父會昌中為義王府司馬。妃少入宮。性敏順。善於承奉。德宗重之。遂冊為如六宮。伏其德行。崇陵復工畢。於園寢終三年之制。至是卒。寶曆元年四月。禮院奏贈梁國夫人尚宮宋氏葬。奉勅令所司供鹵簿。准故事。只合給儀仗。詔以鼓吹賜之。宋氏姊妹五人。皆有文學。正元中。澤潞節度使李抱貞貢至闕下。德宗召入宮。試以詩賦。兼問經史中文義。深加賞歎。自後皇太子及諸王公主等。多從受學。姊妹中尚宮尤通達人事。自憲宗穆宗。

呼為先生。其名氏根本。具在憲宗實錄。其年七月。勅殿中上衣奉御郭環。曾祖故陳州刺史崇。可贈工部尚書。曾祖母唐氏。可贈晉昌郡夫人。祖母李氏。可贈隴西郡夫人。父故右威衛將軍義。可贈禮部尚書。以環妹才人有寵故也。未為妃后。一旦褒贈。榮及祖禰。前例無之。天祐二年。九月六日。內出宣旨。乳母楊氏。可賜號昭義。乳母王氏。可封郡夫人。第二乳母先帝已封郡夫人。可准楊氏例。改封中書奏議。言乳母古無封夫人。賜內職之例。近代因循。殊乖典故。昔漢順帝以乳母宋氏為山陽君。安帝乳母王聖曰野王君。當時朝議。猶或非之。惟中宗封乳母于氏為平恩郡夫人。尚食高氏為齊國夫人。今國祚中興。禮儀革舊。臣等商量。楊氏望賜號安聖君。王氏福聖君。第二王氏康聖君。從之。其年十二月。勅宮嬪女職。本備內任。近年以來。稍失儀禮。今後每遇延英坐朝日。只令小黃門祇候。引從。宮人不得擅出內。五代會要。梁太祖昭儀陳氏。昭容李氏。後唐太祖妃劉氏。同光元年。四月。冊為皇太妃。魏國夫人陳氏。唐乾寧二年。冊為皇太妃。莊宗淑妃韓氏。德妃伊氏。並同光二年。十二月。冊。以宰臣豆盧革。章說為冊使。出應天門外。登輅車。鹵簿鼓吹前導。至右承福門降車。入右銀臺門。至淑妃宮。授冊於內。文武百官立班稱賀。昭儀侯氏。封沂國夫人。昭

容夏氏。封魏國夫人。昭媛白氏。封沛國夫人。出使美宣鄧氏。封魏國夫人。

御正楚真張氏。封涼國夫人。司簿德美周氏。封宋國夫人。侍貞吳氏。封徽

海郡夫人。懿才王氏。封太原郡夫人。成一韓氏。封昌黎郡夫人。瑶芳張氏。

封清河郡夫人。懿德王氏。封太原郡夫人。宣一馬氏。封扶風郡夫人。並司

光二年十一月。勅。明宗德妃王氏。天成三年。正月。冊。至長興二年四月。遣

號淑妃。應順元年。閏正月十三日。冊為太妃。至周廣順元年四月。追謚賢

妃。昭儀王氏。封齊國夫人。昭容葛氏。封趙國夫人。昭媛劉氏。封趙國夫人。

孫氏。封楚國夫人。御正張氏。封曹國夫人。司寶郭氏。封魏國夫人。司贊于

氏。封鄭國夫人。尚服王氏。封魏國夫人。司記崔氏。封蔡國夫人。司膳霍氏。

封滕國夫人。司醞吳氏。封莒國夫人。婕妤高氏。封徽海郡夫人。美人沈氏。

封太原郡夫人。順御朱氏。封吳郡夫人。司飾聊氏。封潁川郡夫人。司衣劉

氏。封彭城郡夫人。過藥孟氏。封咸陽郡夫人。梳篋張氏。封清河郡夫人。衣

服王氏。封太原郡夫人。梳篋傅氏。封潁川郡夫人。知客張氏。賜號尚書。故

江氏。追封濟陽郡夫人。已上皆長興三年九月。勅。其名號皆中書門下按

六典內職叙而行之。內人李氏。封隴西縣君。崔氏。封清河縣君。李氏。封咸

紀縣君。田氏。封咸陽縣君。白氏。封南陽縣君。並長興四年二月。勅。按前代

內職皆無封君之理。此一時之制。晉高祖潁川郡夫人蔡氏。天福三年八月。

月。勅。少帝寶省李氏。封隴西郡夫人。張氏。封春宮夫人。克皇后宮尚宮。並

天福八年十一月二日。勅。前左御正齊國夫人吳氏。進封燕國夫人。書省

魏國夫人崔氏。進封梁國夫人。前右御正天水郡夫人趙氏。封魏國夫人。

司簿孟氏。封沂國夫人。前司簿李氏。封隴西郡夫人。第子院使齊氏。大使

郭氏。副使賈氏。並封本縣君。太后宮尚宮陳留郡夫人何氏。進封鄭國夫

人。河南郡夫人元氏。進封齊國夫人。番知客出使夫人石氏。封武威國夫

人。春宮姚氏。常氏。焦氏。王氏。陶氏。魏氏。趙氏。等七人。並超封本郡夫人。寶

省婉羨趙氏。封天水郡夫人。武氏。已下十一人。並授春宮。天福八年十二

月。勅。清河郡夫人張氏。彭城縣夫人劉氏。並本宮太后宮司寶。南陽郡夫

人。路氏。出使夫人趙氏。白氏。並克皇后宮司寶。開運二年八月。勅。周太祖

貴妃張氏。廣順元年二月。進冊。淑妃楊氏。廣順元年九月。進冊。德妃董氏。

廣順元年四月。封冊。尚儀趙氏。封沂國夫人。尚服蘇氏。封岐國夫人。尚宮

甫氏。封汾國夫人。司賓高氏。封渤海郡夫人。司賓柴氏。封平陽郡夫人。司

賓茹氏。封潁川郡夫人。司記丁氏。封隴西郡夫人。司記劉氏。封彭城郡夫

人。典寶李氏。封隴西縣君。司寶王氏。封琅邪縣君。司正李氏。封隴西縣君。

司正王氏封琅邪縣君尚食李氏封隴西縣君尚功曹氏封鉅鹿縣君司衣李氏封隴西縣君司藥林氏封會稽縣君司藥翟氏特封鄆陽縣君並

廣順元年八月勅宋會要宋朝承舊制皇后之下有貴妃淑妃德妃賢妃昭儀昭容昭媛脩儀脩容脩媛充儀充容充媛婕妤美人才人舊有寶林

御女采女國朝不置太祖置司簿司賓並封縣君樂使並賜裙帔太宗置

尚宮及大監並知內省事充內宣徽南院使兼承旨與司簿或封國夫人

郡夫人寶省尚食封縣君司寶司儀司給封郡君縣君樂使之下增副使

改內省為尚書內省令尚宮大監並號尚書改祗候人為御侍衣服為司

衣梳篋為司飾枕被為司寢湯藥為司藥樂使副使為仙韶使副使弟子

呼供奉置直筆書省主事改茶器為翰林局掌御閣為直閣掌宮門為直

門掌燈火為掌燈掌從物為宜仗針線院為裁縫院令司簿兼掌寶司言

兼監班司儀兼承宣掌寶司儀及仙韶使副使封縣君司記知尚書內省

公事皆賜以君帔真宗置宮正司籍司樂司贊司珍司膳典寶典言典贊

尚儀尚功尚服尚食尚寢司圍司仗司醞司饗司正司設司輿司苑司製

司綵樂長引客御侍行首押班殿直散直行首都行首鞞頭知書省之名

景德二年增置太儀大中祥符二年特置貴人六年增置淑儀淑容順儀

順容。婉儀。婉容。在昭儀之上。司宮令一員。在尚宮之上。仁宗乾興元年置貴儀。在淑儀之上。凡內命婦品。貴妃。淑妃。德妃。賢妃。夫人。正一品。太儀。貴儀。淑儀。淑容。順儀。順容。婉儀。婉容。昭儀。昭容。昭媛。脩儀。脩容。脩媛。充儀。充容。充媛。嬪。正二品。婕妤。正三品。美人。正四品。才人。正五品。貴人。無視。尚宮。人。女官品六尚書。正五品。二十四司。正彤史。正七品。二十四掌。正八品。女史。流外勳品。凡宮人女官職員。尚宮二人。掌導引皇后。管司記。司言。司簿。司閹。仍揔知五尚。須物出納等事。司記二人。掌在內諸司文書入出目錄。為記審訖。付行監印等事。其法有典記。掌記各二人。女史六人。司言二人。掌宣傳啟奏事。其法有典言。掌言各二人。女史六人。司簿二人。掌宮人名簿。康賜之事。其法有典簿。掌簿各二人。女史六人。司閹六人。掌宮閹管籥之事。其法有典閹。掌閹各六人。女史四人。尚儀二人。掌禮儀起居。管司籍。司樂。司賓。司贊。事。司籍二人。掌經籍教學紙筆凡衆之類。其法有典籍。掌籍各二人。女史十人。司樂四人。掌音樂之事。其法有典樂。掌集各四人。女史二人。司賓二人。掌賓客。凡朝會引導之事。其法有典賓。掌女史各二人。司贊二人。掌禮儀班序。設版贊拜之事。其法有典贊。掌贊。女史。彤史各二人。尚服二人。掌司賓。司衣。司飾。司伏之事。司寶二人。掌御寶符契圖

籍之事。其佐有典寶。掌寶。各二人。女史共四人。司衣。二人。掌御衣服首飾之事。其佐有典衣。掌衣。各二人。女史四人。司飾。二人。掌掌沐巾。櫛。髮。玩之事。其佐有典飾。掌飾。女史各二人。司仗。二人。掌仗。衛兵器之事。其佐有典仗。掌仗。女史各二人。尚食。二人。掌知御膳。造食。先嘗。管司膳。司饌。司藥。司鑄。事。司鑄。二人。掌鑄。蓋。器皿之事。其佐有典膳。掌膳。女史各四人。司醞。二人。掌酒。釀之事。其佐有典釀。掌釀。女史各二人。司藥。二人。掌醫。藥之事。其佐有典藥。掌藥。各二人。女史四人。司饈。二人。掌官人食及柴炭之事。其佐有典饈。掌饈。各二人。女史四人。尚寢。二人。管司設。司輿。司燈。篋。司設。二人。掌帷。帳。牀。褥。枕。席。洒。掃。鋪。設之事。其佐有典設。掌設。各二人。女史四人。司輿。二人。掌輿。織。扇。羽。儀之事。其佐有典輿。掌輿。女史各二人。司苑。二人。掌園。苑。種。植。蔬。果之事。其佐有典苑。掌苑。女史各二人。司燈。二人。掌燈。油。火。燭之事。其佐有典燈。掌燈。女史各二人。尚功。二人。掌。女。工。管。司。制。司。珍。司。線。司。計。事。司。製。二人。掌裁。縫。衣服。纂。組之事。其佐有典製。掌製。各二人。女史四人。司珍。二人。掌金。玉。珠。寶。財。貨之事。其佐有典珍。掌珍。各二人。女史六人。司線。二人。掌錦。文。練。線。絲。綵之事。其佐有典線。掌線。各二人。女史六人。司記。二人。掌支。度。衣服。飲。食。柴。炭。雜。物之事。其佐有典計。掌計。各二

人。女史共四人。宮正一人。掌摠知宮內格式。糾正推罰之事。司正二人。掌同宮正。其位有典正女史各四人。內職雜錄。真宗景德二年七月三日。以雍王元份疾。帝親視之。問以母氏早亡。得無永感。元份頓首泣謝。翌日詔置太儀。以贈王份母任氏焉。舊制親王母為太妃。公主母為太儀。時不欲有妃號。故也。大中祥符六年正月二十八日。詔曰。朕以祗嗣慶基。交脩茂則。眷言壺教。實繫國風。辨彤管之等威。既存於舊制。蓋紫庭之位號。亦著於前聞。爰考典章。用新班秩。垂茲憲度。屬在隆平。今增置淑儀。淑容。順儀。順容。婉儀。婉容。並從一品。在昭儀之上。可著之甲令。以為永式。時將加恩。太宗高昭儀。臧昭儀。故也。二月一日。詔曰。朕以宮壺之間。各分事任。班序之際。夙著等威。爰按舊章。肇新明制。增其常秩。創以佳名。所冀彤管承榮。聿彰於茂渥。紫庭莅職。彌振於宏綱。令特置司宮令一員。正四品班。在尚宮之上。著于令式。以為永規。時以宮正邵氏久在宮掖掌事。故特增置於加恩也。七年六月十八日。封婉儀楊氏為淑妃。帝不欲藩臣貢賀。故不降制外庭。止命學士草制付中書。翌日宰臣言宮掖加恩。朝廷慶事。臣下不可闕禮。望令客省依例受貢賀。帝勉從之。乾興元年仁宗即位未改元四月三日。詔曰。朕仰紹鴻基。均覃渙號。眷惟宮掖。建事先朝。茂渥

方行徽章溥及其有恭勤頗著位秩已崇所宜別建嘉名用旌懿行今增置貴儀在淑儀之上時以加恩太宗臧淑儀故也景祐元年八月十五日詔曰朕祇紹慶基務敦靜治每遵勤儉用洽冲寧至於宮掖之中嬪侍之列雖僅克於儀職而靡厚於寵私項以中闈有虧善道降處次妃之位仍從別館之居尚邇禁宸未叶彝制郭氏宜於外宅居止更不入內美人尚氏昨由下陳列於近侍素非令善但肆驕矜特貸刑章令於洞真宮披戴永不入內美人楊氏自居左右靡蹈箴規宜令出內別宅安置長秋之重陰教是宣顧厥位以難虛必惟賢而是擇當求德闕以稱坤儀屬於勲舊之家兼咨冠甲之族將行騁納式助烝嘗曩者母后垂簾廣示慈愛遂有臣僚戚屬進獻女口入宮留處掖庭頗彰物論宜並放出朕常思恬素動守端莊固於聲色之間絕無溺惑之意每觀古籍備鑒前修上或恣於耽荒下必爭於寵幸虧德敗度莫甚於茲固深念於防閑弗暫忘於規戒自此八月之美無事於訪求九御之班庶臻於簡肅咨爾宰府克輔善猷皇祐二年十月十九日昭容苗氏特授淑儀舊例內命婦官告並稱宜特進封至是中書門下議改稱特授後遂著例神宗熙寧四年六月十八日岐國賢壽夫人朱氏奏昨以老病恩許於開聖尼寺養病今得安

痊。復見宮省本位。使臣祇應人等。乞賜推恩。從之。上語密院曰。此真宗皇帝子。周王乳母也。百歲而耳目聰明。宮中無先之者。可特聽許。宮人有疾。甚者出之。比丘尼寺。十七八九。上聞其然。著為條約。使太醫治病。歲終計其全失而誅賞之。是所全活者多矣。宋氏乃其一也。七年四月三日。詔婕妤宋氏。遇同天節。賜親屬霞帔三道。自今為例。八年四月二十九日。詔妃嬪每三歲許奏乞。同宗或異姓有服親。合入差遣一次。先是妃嬪陳乞無定法。故立此制。九年九月十六日。詔喬氏特封掌綵。劉氏特封掌設。以給侍太皇太后四十餘年。最為勤舊。故有是詔。十年六月一日。詔典言李氏。追封華原郡夫人。以李氏入宮七十餘年。給事章懿太后。洎仁宗誕生。而供奉之勤。著聞宮掖。故也。十月十二日。詔平昌郡夫人周氏。先朝選置東宮。保視朕躬。九十餘年。勤謹小心。久而不懈。今以壽終。贈楚國夫人。元豐元年五月十五日。詔賜婕妤賢妃親屬霞帔各五道。美人二道。仍著為例。先是得妃苗氏。賢妃周氏。美人張氏。乞遇同天節。比類婕妤等親屬霞帔。故有是詔。四年五月十七日。詔洞真宮女道士楊易行。特補充本宮法正。仍賜號志靜大師。以元係仁宗皇帝嬪御。故也。十二月二十五日。詔司設吳氏。特授尚宮。以景祐初承事章惠皇太后。繼

事太皇太后。垂五十年。故有是命。五年正月九日。詔典贊吳氏。典記李氏。典綵張氏。各特進位一等。以給事太皇太后歲久故也。十一月十一日。詔故淑妃董氏。與恩澤四人。令本家具名以聞。以逮事仁宗生莊夷大長公主。故也。八年四月十二日。詔咸寧郡夫人任氏。特授京兆郡夫人。典寶李氏。特授司記。任氏以神宗皇帝隨龍。李氏嘗在藩邸。日侍從太皇太后。故也。哲宗元祐元年五月九日。詔典寶夫人龐氏。特授司贊夫人。龐氏以英宗皇帝隨龍。保養荆王有勞。故有是命。八月十七日。詔內人張氏。特授典贊夫人。以伴哲宗讀書于藩邸。勤謹不懈。故也。三年九月十一日。詔聽宣胡氏。董氏。並特授掌簿夫人。管幹尚書內省公事。以宜筆累年。謹密無闕。故也。七年五月二十三日。詔聽宣夫人李氏。特授掌簿夫人。以管幹內庫有勞。故也。紹聖元年九月十四日。詔東陽郡夫人柳氏。特追贈崇國夫人。以入侍宮掖。服勤勞累朝。故也。十月十二日。詔皇太后殿典寶朱氏。為司寶。掌闈董氏。為司正。掌籍閻氏。為典言。掌設丁氏。為典寶。聽宣李氏。為掌飾。宮人薛氏。為掌珍。李氏。為掌膳。吳氏。為掌醞。皇太妃殿宮人畢氏。為掌賓。張氏。為掌製。以御批兩殿宮人。久在左右。可特與遷補。故也。二年四月十九日。詔今後諸妃嬪。陳乞本位使臣。申入內

侍省契勘保明申尚書省。先是吏部請妃嬪陳乞有服親差遣者委本位使臣申朝廷下內侍省再行保明方得施行故有是詔。三年四月三日詔美人武氏進封婕妤充儀陳氏追贈貴儀以大寧郡王及上出閤故也。五年三月二日詔才人引用妃嬪條陳乞有服親差遣今後依條施行。先是三省言諸妃嬪三年許陳乞有服親差遣一次吏部已用近例施行。天聖內命婦品職令才人不在妃嬪品內。合行改正故有是詔。元符二年五月二日詔宮人景氏等特與遷補。景氏掌言。裴氏掌贊。張氏掌設。勾氏籍。吳氏掌綵。蕭氏掌樂。劉氏掌輿。皆以久侍皇太后故特命之。二十九日詔莘王俟睦王惲幼喪所生母才人馮氏乃王之所養母實自襁褓悉心撫養適以並建王爵出奉外朝例令改封少報勤劬可特進封婕妤。三年正月二十四日降哲宗皇帝乳母魏國福康惠祐夫人竇氏為好。扶風郡夫人樂安郡夫人李氏為隴西郡君永嘉郡夫人陳氏為潁川郡君。司闈馬氏為掌闈。司正白氏為典正。司贊王氏為典贊。才人韓氏為紅霞被。以哲宗皇帝孺留侍疾無狀及蔽匿不以聞故也。四月一日贈仁宗司正曹氏為華原郡夫人神宗尚宮楊氏為榮國夫人京兆郡夫人任氏為成國夫人。十二月二十七日詔內命婦降生皇子許依大禮奏有服

親三品以上三人著為令。徽宗建中靖國元年四月八日詔宮人孫氏特授掌闈。王氏特授掌賓。六月八日詔尚儀楊氏特授安康郡夫人。掌設張氏特授典賓。任氏特授掌記。郭氏特授掌言。並以隨龍推恩。十二月二日詔咸安郡夫人李氏特授溫國夫人。仁壽郡夫人王氏特授成國夫人。典闈夏氏特授安定郡君。掌賓王氏特授典言。掌闈孫氏特授典記。宮人王氏特授掌賓。崔氏特授掌贊。並以隨龍初遇大禮推恩。崇寧元年五月十三日詔以尚服張氏為景國夫人。司正白氏為尚儀。司記孟氏為尚服。典闈馮氏為尚功。隨龍曹氏為掌設。花氏為掌珍。王氏為掌綵。張氏為文安郡君。魏氏為安定郡君。高氏為信安郡君。劉氏為普安郡君。紅霞。張氏為永嘉郡君。張氏為仁壽郡君。以昔在哲宗朝。翊贊保護侍御服勤。今徹几筵。故加恩獎。二年正月十四日詔魏國夫人步氏特授吳國榮壽夫人。安定郡夫人董氏特授儀國夫人。司言閻氏特授司宮。典飾李氏特授司贊。典言景氏特授司飾。並以欽聖憲肅太后宮人執事服勤。因大祥推恩。三年三月十七日詔宮人王氏特授掌籍。九月五日詔宮人孫氏特授仁壽郡君。二十三日詔掌賓王氏特授永嘉郡夫人。郭氏特授掌言。二十四日詔聽宣劉氏特授典記。十一月十八日詔典

記劉氏特授尚儀。並以隨龍推恩。四年八月。詔楊氏追贈賢妃。以及事禧陵潛藩故也。政和元年二月十六日。詔以司言張氏為尚儀。典記徐氏為尚服。典籍王氏為司簿。典賓王氏為司飾。宮人劉氏為掌闈。喬氏為掌製。李氏為掌言。張氏為掌贊。楊氏為掌賓。王氏為掌記。陳氏為掌樂。郭氏為掌輿。任氏為掌饗。皆以皇后受冊。禮畢推恩。本閣宮人故也。四月二十五日。詔才人喬氏進封合得親屬恩澤。可特與親兄白身進士昇補三班借職。五月二十。詔宮人魯國安人惠和夫人李氏。昨遇冬祀大禮。特與依魏國惠和康祐夫人薛氏例。封贈三代。十五日。詔隨龍宮人故濟陽郡夫人王氏。可特贈國夫人。六月二十四日。詔安定郡君夏氏封才人。同安郡君張氏封安康郡夫人。皆隨龍人。以正婦官換封故也。七月十六日。詔美人楊氏以降誕皇子。特進封修容。十一月十日。詔婕妤韓氏以誕育帝姬。可封修容。其親屬及本位使臣諸色人推恩有差。二十六日。詔婕妤勾氏。美人魏氏。昨遇冬祀大禮。合得親屬恩澤。並回授逐位使臣。二年二月十九日。詔婉容崔氏降誕皇子。其親屬並祇應使臣等推恩有差。四月五日。詔修容楊氏。昨遇冬祀大禮。合得親屬恩澤。依所乞回授與本位使臣。十月二十八日。詔壽昌郡君韓氏以降誕皇子。

可進封為美人。三年四月三日。詔宮人典贊劉氏為司言。以哲宗隨龍
宮人故也。五月二十八日。手詔曰。先王之政。自家刑國。自內及外。惟我
祖考董正治官。分建百職。總核萬事。然乘五代之亂。循襲舊制。名不稱實。
惟我神考。外設六職。分職三省。各有常守。而宮闈內官。尚或沿襲。有所未
暇。朝夕惟念。內外家國。理當一體。則有條而不紊。機政之暇。因考古釐改。
俾各遵承。永為定制。尚書內省內宰二人。副宰四人。總正六司。使率其屬
以聽內治。掌外省六曹。所上之事。都事六人。主事六人。錄事十二人。令史
十二人。書令史二十四人。書史二十四人。內省六司。司治。視吏部職事官。
內史一人。治中一人。吏令史二人。書令史四人。書史六人。司教。視戶部職
事官。內史一人。治中一人。吏令史二人。書令史四人。書史六人。司儀。視禮
部職事官。內史一人。治中一人。吏令史二人。書令史四人。書史六人。司政。
視兵部職事官。內史一人。治中一人。吏令史二人。書令史四人。書史六人。
司憲。視刑部職事官內史一人。治中一人。吏令史二人。書令史四人。書史
六人。司膳。視工部職事官內史一人。治中一人。吏令史二人。書令史四人。書史
六人。四年正月四日。詔依禮劄局。擬定諸妃告身綾紙。四妃用雲
龍。貴儀至。婉容用葛藟。昭儀至。充媛用蘭燕。婕妤至。美人用苻魚。內命

婦告身綾紙。內宰副宰用遍地雲鳳。宮正尚宮內史郡夫人治中用雲系鳳。國夫人用遍地雲鶴。寶林至掌樂管幹仙詔公事用朵。七月四日詔於宮城西北隅創建館宇。專充掖庭宮人養疾之所。以保壽粹和為名。仍差同知入內內侍省事李毅提舉。所有羗置官屬胥徒。選醫治療。典掌湯劑。立考覈殿最之格。核存亡勸沮之法。並抑提舉所條具聞奏。先是宮人疾患。例於妙法廣福之寺醫治。見至鮮有生者。蓋尼徒上下幸其物。故長葬賻贈及其私財。上知其弊。故有是詔。九月二十六日。手詔創建保壽粹和館。已設官置吏。肇新條式。可自今年十月一日奉行新法。更不往廣福妙法等院。其見在逐院者。仰一面結絕。不候覆奏。十一月七日。手詔地者創修保壽粹和館。充掖庭宮人養疾之所。建官設屬。一新條法。革去尼寺宿弊。又選擇良醫。治其沉痾。仍置典掌劑療人。以供藥餌。庶無天枉之患。尚以管幹養病。使臣未能革心。利於必死。覲有厚利。未副仁政之本意。可自今第六等已下。差養病使臣。若病人亡歿。即時申入內內侍省。并提舉保壽粹和館。所別差官管幹殯葬。五年五月一日。詔修容韓氏父武節郎中立特依初遇大禮例。贈右武衛將軍。六月十三日。媿好劉氏以降誕皇子。其父及親屬推恩有差。六年三月十六日。詔宮人魯國安仁

惠和夫人李氏。乞歸道宇修養。可依所請。特賜悟真冲道先志。法名是素。
八月四日。媿好勾氏。特贈昭儀。以熙豐嬪御故也。七年三月四日。詔隨
龍宮人楚國仁壽夫人王氏。加號仁壽惠和夫人。八年六月二十八日。
內出手詔曰。神考嬪御貴妃宋氏。自熙寧初。誕育皇嗣。年德彌邵。譽謁掖
庭。遽爾淪謝。殊用傷惻。可依例賜二字。謚并依貴妃苗氏。合得恩澤七人
外更添三人。以稱朕思親眷舊之意。宣和五年十二月二十九日。以岳
陽軍節度使王舜臣乞致仕。手詔獎諭王貴妃。七年八月四日。詔媿好
王氏降誕。親屬可依下項推恩。親叔起復朝散大夫。試殿中監王義叔。親
姊之夫武節郎開德府兵馬鈐轄才濟。承節郎鄆陵縣巡檢郝誦。各與轉
行一官。親叔迪功郎新授守大理司直王義叟。迪功郎新授滑州司儀曹
事義佐。親兄從事郎監登聞檢院瑄。迪功郎沂州司刑曹事璘。親弟從事
郎汝州司刑曹事球。並與改合入官。親弟白身瑗。瑀。壽。並與補迪功郎。
十二月二十一日。保壽粹和館官吏並罷。宮人依舊法往尼寺養病。地歸
軍器所。欽宗靖康元年六月一日。詔道君皇帝妃嬪。並以龍德宮妃嬪
為稱。高宗建炎元年六月。詔潘氏可進封賢妃。九月四日。詔榮國柔
惠夫人郭氏。永嘉郡夫人王氏。宜春郡夫人孫氏。位祇候使臣諸色祇應。

人等。依和國王夫人例。支破身分驛券諸般請給。以扈從隆佑皇太后故也。四年六月二十九日。詔才人張氏可封婕妤。十一月二十四日。詔月供賢妃以下。月料炭九百八十秤。一半支本色。餘折支價錢。十六日。詔永嘉郡夫人王氏。可特賜名從恭。咸安郡夫人蘇氏。賜名從溫。並轉國夫人。除知尚書內省事。諸般請給。依祿式支破。同日紅霞帔李氏。馬氏。與轉掌字殿直王氏。文氏。刑氏。吳氏。李氏。王氏。並與轉聽宣。魏氏。趙氏。張氏。王氏。解氏。李氏。董氏。王氏。並與殿直。紹興二年八月二十七日。主管大內公事知尚書內省兼提舉十閣分嘉國懿康惠徽夫人朱氏遺表。乞依例推恩。官吏并諸色人。詔各特與轉一官。資內白身人。侯有名目。收使。二年四月二十一日。詔哲宗皇帝房院美人慕氏。魏氏。並特轉婕妤。依祿式支破。諸般請給。以昭慈聖獻皇后祥除。故有此詔。典飾郭氏。特轉尚字。典寶蘇氏。典衣宋氏。並轉司字。紅霞帔宋氏。轉掌字。紫霞帔張氏。王氏。並轉紅霞帔。張氏。特與紅霞帔。曾氏。與轉殿直。五年閏二月五日。詔主管大內公事知尚書內省兼提舉十閣分潤國莊淑惠徽夫人張從義。與轉兩字。主管大內公事知尚書內省兼提舉十閣分崇國夫人王從恭。與轉四字。依祿式支破。諸般請給。同日司飾張氏。與轉宮字。典寶馬

氏與轉尚字。紅霞帔楊氏與轉典字。紫霞帔王氏。紅霞帔趙氏。李氏並與轉掌字。司設何氏。與轉尚字。紫霞帔宋氏。與轉紅霞帔。五月二十六日。詔主管大內公事知尚書內省事。宜春郡夫人朱從仁。可特授儀國夫人。依前主管大內公事知尚書內省事。同日紅霞帔李氏。特授典籍司賓。張氏。特授宮正。十五年五月十九日。詔紅霞帔李氏。特授掌字。十六年二月二十三日。詔紅霞帔黃氏。轉掌字。紅霞帔黃氏。郭氏。特授典字。五月二十八日。詔紅霞帔唐氏。特授典字。紅霞帔王氏。轉掌字。十七年十二月二十一日。詔紅霞帔陳氏。特與封永嘉郡夫人。十八年七月三日。詔紅霞帔鄭氏。李氏。並轉典字。九月十三日。詔典寶袁氏。與轉尚儀。紅霞帔王氏。與轉典賓。紅霞帔趙氏。與轉掌衣。十二月二日。詔張氏。與轉掌字。九日。詔掌記黃氏。特授典樂。掌衣李氏。特授典醞。紅霞帔張氏。特授典綵。十九年二月二十七日。詔典飾唐氏。特與轉尚儀。紅霞帔李氏。特與轉掌衣。二十年二月十五日。詔司記朱氏。特與轉宮記。典籍郭氏。與轉司籍。掌綵王氏。與轉典綵。掌言李氏。與轉典言。尚衣王氏。與轉典衣。紅霞帔劉氏。與轉典綵。紅霞帔周氏。與轉典輿。七月十八日。詔典賓王氏。與轉尚儀。紅霞帔張氏。與轉典記。王氏。與轉典寶。二十一年六月二十三日。詔

典賓張氏與轉宮字 二十二年九月十一日詔紅霞帔崔氏特轉典製
張氏特轉典珎四日詔典字黃氏特轉司記紅霞帔楊氏特轉典寶馮氏
特轉典簿鄭氏特轉典闈王氏特轉典籍董氏特轉典樂紫霞帔王氏特
轉掌贊張氏特轉掌言 三十二年詔書省張氏特與轉聽宣 十年十
二月三十日詔婕妤張氏可轉婉儀 十二年二月六日卒十五日詔特
贈賢妃十七日詔本位官可特各轉兩官內郃鄂趙轍梁璋並階官選郡
上各轉行一官張去為馮觀並選郡上轉行黎琦皆官上轉行陳誠之莫
鉞各轉兩官內合寄資者依舊寄資親弟張莘與轉三官姪張子晉張子
習各補承信致主管文字使臣并諸色祗應人各與轉兩官資礙止法之
人依條支賜令戶部支本色 十三年六月九日詔宮正韓氏進封才人
九年三月二十五日為紅霞帔十年九月二十七日轉宮正 十四年
九月七日詔先降指揮封才人可更不施行 十四年十一月九日制婉
儀慕容氏可特進賢妃仍令所司擇日備禮冊命先是上宣諭輔臣曰婉
儀慕容氏頗有賢德年餘七十見娛待太后可進位賢妃故降制焉辭不
受冊 二十二年九月一日詔特贈貴妃 十六年五月十日詔典籍馮
氏進封美人十二年正月二十六日為紅霞帔十三年六月九日轉典籍

二十八。年。七月十四日。詔可令歸家。自便本閤官吏等。並發遣歸合屬去處。官告令有司毀抹。十八。年。三月二十四日。詔知尚書內省事。安康郡夫人李氏。從謹與轉國夫人。直筆宮正何氏。賜名從信。除知尚書內省事。與轉郡夫人。閏八月七日。詔直筆尚儀楊氏。特授信安郡夫人。知尚書內省事。賜名從義。十二月二日。詔何從信。除主管大內公事。知尚書內省事。與轉郡夫人。賜名從敏。二十。六年。十一月十九日。詔知尚書內省事。信安郡夫人。楊從義。除主管大內公事。與轉國夫人。直筆司字呂氏。除知尚書省事。與轉郡夫人。賜名從禮。三十二年。閏二月二十七日。詔知尚書內省事。南昌郡夫人。王從敏。除主管大內公事。與轉國夫人。典字李氏。除知尚書內省事。與轉郡夫人。賜名從貞。十九。年。二月二十七日。詔尚儀袁氏。可持授宜春郡夫人。二十。二年。五月十八日。詔新興郡夫人。吳氏。進封才人。十年。九月二十七日。為紫霞帔。十三。年。六月九日。轉紅霞帔。十九。年。十二月二十日。封新興郡夫人。二十八。年。七月十四日。詔可令歸家。逐便本閤官吏等。並發遣歸合屬去處。十一月二十九日。吏部言賢妃慕容氏。上遺表姪孫宗興。乞與使臣內安排。依格合補承信郎。從之。十二月三日。詔才人劉氏。祖母

耿氏特封郡夫人。同日詔才人吳氏。母裴氏特封齊安國夫人。二十三年九月四日。詔婉容劉氏母故永嘉郡夫人李氏特贈榮國夫人。二十四年正月二十四日。制婉容劉氏進封貴妃。仍令所司擇日備禮冊命。辭不受冊。十年九月二十七日為紅霞帔。十三年六月九日轉司記。十六年五月十日封才人。十七年二月十五日進封婕妤。二十二年五月十八日進封親屬。二十四年二月二十四日。詔進封親屬。并本位官吏依例合行推恩。叔保義郎閤門祗候勳與轉兩官。忠翊郎願特除閤門祗候僧悟正。與補左街僧錄。第允升特於遙郡上轉行兩官。候服闋日。牧使堂弟承節郎允中。承信郎允恭。各與轉兩官。允迪與補承信郎。堂妹夫張文中與補承信郎。本位官吏等兩經進封。各特與轉兩官。資合寄資者依礙止法人。特與轉行。二十五年十二月十二日。詔該遇大禮。依格合得蔭補恩澤二人。自紹興二十五年為始。特與放行。六月二十日。詔自今後宮人陞轉掌字至宮正。更不命詞給告。止降宣命。二十七年二月六日。詔才人劉氏弟舜卿。晉卿。堂叔伋僖。偁。並特與補承信郎。二十八年九月二十三日。詔宮正張氏與轉郡夫人。依祿式支破諸般請給。十二月二十一日。詔才人劉氏進封婕妤。十七年二月十八日。轉紅霞帔。十九年十

二月二十日轉宜春郡夫人二十二年五月十八日封才人三十一年八月詔可令歸家逐便二十九年二月六日詔慈寧殿夫人尚儀王氏與

轉郡夫人依祿式支破諸般請給十二月二十日詔宜筆典衣王氏除知尚書內省事與轉郡夫人賜名從謹依祿式支破諸般請給二十二

年五月十八日詔吳氏可封才人六月十五日是月孝宗即位未改元

詔主管大內公事知尚書內省事兼提舉十閣分事崇國柔明淑美元犯

御名改作美字和懿夫人王從恭知尚書內省事永嘉郡夫人李從信元

犯御名改作信字並令改正別出告命八月七日詔司字刑氏知內庫

封宜春郡夫人賜名從美二十七日詔張氏封平樂郡夫人依祿式支

破諸般請給十一月二十八日詔和國夫人郭氏加封和國淑懿靖順

夫人乾道二年十月七日詔贈和國淑懿靖順端恪惠和雍穆夫人

乾道元年七月九日詔壽聖太上皇后殿永嘉郡夫人張氏加封和國夫人

典字馮氏封信安郡夫人並各依祿式支破諸般請給十月十二日詔隨

龍平樂郡夫人張氏加封信國夫人二年五月十二日詔紅霞帔夫人

韓氏封宜春郡夫人九月九日詔知尚書內省事和義郡夫人王從謹

加封和國夫人兼主管大內公事司字直筆王氏宜春郡夫人知尚書內

省事賜名從義各依祿式支破諸般請給。三年十一月十七日詔紅霞
帔陳氏封信安郡夫人蔡氏封和義郡夫人鄭氏與轉官字。六年正月
八日詔崇國柔明淑美和懿夫人王從恭加封崇國柔明淑美和懿順穆
夫人儀國柔惠夫人朱從仁加封儀國柔惠嘉淑靜懿夫人並依祿式支
破諸般請給。王從恭年八十七歲朱從仁年八十九歲並掌文字有勞
故有是詔。閏五月十一日詔主管大內公事知尚書內省事榮國夫人
王從敏加封崇國惠和夫人兼提舉十閤分事知尚書內省事永嘉郡夫
人李從信加封慶國夫人主管大內公事直筆尚字張氏知尚書內省事
封齊安郡夫人賜名從善。八月四日詔官字鄭氏封新定郡夫人依祿
式支破諸般請給。二十八日詔永嘉郡夫人張氏侍奉太上皇帝日久特
封婉儀。九月八日詔本位官吏等各特與轉一官礙止法人特與轉
行合寄資人依舊寄資願回授者聽白身人特與補進武副尉諸色供御
輦官厨子翰林司供內儀鸞入內院子各特與轉一資礙止法人特與轉
行。三十日詔德壽宮和國夫人張氏加封和國柔嘉夫人御前隨龍信
國夫人張氏加封信國明順夫人並各依祿式支破諸般請給。七年十
一月九日詔德壽宮典字趙氏封信安郡夫人並依祿式支破諸般請給。

八年七月二十七日。詔主管大內公事知尚書內省事和國夫人王從謹加封和國恭順夫人。提舉十閤分事知尚書內省事宜春郡夫人王從義加封惠國夫人。主管大內公事直筆尚字王氏封永嘉郡夫人。知尚書內省事賜名從誠。並各依祿式支破諸般請給。十二月十四日。詔隨龍尚字于氏封新興郡夫人。隨龍尚字張氏封順政郡夫人。九年六月三十日。詔主管大內公事知尚書內省事慶國夫人李從信兼提舉十閤分事知尚書內省事齊安郡夫人張從善。主管大內公事加封惠國夫人尚字直筆劉氏。知尚書內省事封安城郡夫人。賜名從惠。並依祿式支破諸般請給。內李從信止係遷職兼領合授宣命。十月一日。詔紅霞帔魏氏。知內庫特與封新安郡夫人。賜名從正。依祿式支破諸般請給。以上乾道會要淳熙元年正月十二日。詔隨龍信國明順夫人張氏特與轉信國明順柔靚淑貞夫人。四月二日。詔和國柔嘉夫人張氏轉和國柔嘉肅懿夫人。四年十一月二十八日。持加贈和國柔嘉肅懿雍雅莊靚順正夫人。二年二月二十四日。詔主管大內公事知尚書內省事兼提舉十閤分事慶國夫人李從信特加封淑懿夫人。三年正月四日。以夫點檢加恩鎖院降授慶國夫人。是年五月。復慶國淑懿夫人。依前主管大內公事知尚書內省

事。兼提舉十閩分事。五年五月二十四日。上遺表。已將本位官吏祿應人等。依故惠國夫人張氏遺表例。各與轉一官。資礙止法人。特與轉行。內白身人。特與補進。武副尉臣僚。繳駁。乞將礙止法人。依條回授。其白身人例。轉一官。殊有名目。日收使。從之。十二月二十八日。詔德壽宮內人。藺氏。特封咸寧郡夫人。三年正月四日。詔直筆司字吳氏。差誤加恩。鑠院降紫霞帔。十一月十九日。詔和義郡夫人蔡氏。可進封婉容。十年十月八日。進封貴妃。親屬並官吏。推恩有差。十二月四日。詔內人李氏。封同安郡夫人。劉氏。封永寧郡夫人。典字李氏。封通義郡夫人。四年四月七日。詔故宮字徐氏。特贈新安郡夫人。以皇太子乳母故也。十一月二十八日。詔故信安郡夫人馮氏。特贈嘉國夫人。五年正月二十三日。詔德壽宮內人王氏。特封平樂郡夫人。郭氏。特封咸寧郡夫人。五月二十一日。詔知尚書內省事新興郡夫人房從柔。除主管大內公事。知尚書內省事。轉崇國夫人。同日。詔直筆司字梁氏。除知尚書內省事。轉永嘉郡夫人。賜名從溫。十年閏十一月十五日。轉儀國夫人。主管大內公事。知尚書內省事。六年六月二十九日。詔內人吳從善。除主管大內公事。轉信國夫人。直筆司字王氏。除知尚書內省事。轉咸安郡夫人。賜名從順。十月二十四日。詔

德壽宮內人陳氏。特封新興郡夫人。張氏。特封高平郡夫人。李氏。特封齊安郡夫人。黃氏。特封和義郡夫人。二十五日。詔內人黃氏。特封新平郡夫人。七年十二月二日。詔通義郡夫人李氏。同安郡夫人張氏。並進封

婕妤。本位親屬官吏推恩有差。九年二月二十七日。詔主管大內公事。知尚書內省事。兼提舉十閣分事嘉國夫人王從誠。特授嘉國惠淑夫人。主管大內公事。知尚書內省事。兼提舉十閣分事成國夫人劉從惠。特授成

國柔穆夫人。四月十六日。詔壽聖齊明廣慈太上皇后殿內人姜氏。特轉咸寧郡夫人。七月三日。詔隨龍榮國夫人張氏。特轉榮國婉覲夫人。

十年八月二日。詔婕妤李氏。贈貴妃。八日上遺表乞親屬並官吏依故

崇國夫人周氏遺表例從之。九月十五日。詔恭奉太上皇后聖旨齊安郡夫人李氏。侍奉太上皇帝日久有勞。特封才人。親屬推恩有差。十月八日。詔婕妤張氏。進封婉容。親屬并本位官吏推恩有差。閏十一月十五日。詔

直筆司字朱氏。轉宜春郡夫人。賜名從謙。知尚書內省事。十二月二十

六日。詔壽聖齊明廣慈太上皇后殿內人平樂郡夫人王氏。封成國夫人。

咸安郡夫人郭氏。封榮國夫人。徐氏。封信安郡夫人。黃氏。封咸寧郡夫人。鞏氏。封和義郡夫人。十一年正月八日。詔德壽宮內人孫氏。封高平郡

夫人。蔡氏封縉雲郡夫人。王氏封順政郡夫人。張氏封南平郡夫人。張氏封齊安郡夫人。二月三日。詔隨龍祭國婉靚夫人。張氏特轉榮國婉靚

柔惠夫人。二十四日。詔主管大內公事知尚書內省事。兼提舉十閤分事。崇國夫人房從柔。特轉崇國和惠夫人。十五年十一月十七日。轉崇國

和惠懿敏賢肅夫人。九月二十八日。詔內人關氏。轉南平郡夫人。王氏轉永陽郡夫人。十二年十月二十二日。詔新平郡夫人陳氏。特與封美夫

人。十四年三月一日。進封婉容。親屬并官吏推恩有差。十二月二十二日。

詔主管大內公事信國夫人吳從善。除兼提舉十閤分事。知尚書內省事。

十四年六月六日。轉信國順懿夫人。十五年十一月十七日。轉信國順懿賢惠夫人。同日。詔咸安郡夫人王從順。除主管大內公事。知尚書內省事。

轉寧國夫人。直筆司字朱氏。除知尚書內省事。轉永嘉郡夫人。賜名從禮。十三年正月十九日。詔德壽宮內人紅霞。轉李氏。轉安定郡夫人。三

月二日。詔內人盛氏。特封南陽郡夫人。黃氏。封平原郡夫人。十四年正月二十日。詔嘉國夫人謝氏。轉嘉國淑惠夫人。永嘉郡夫人劉氏。轉崇國

夫人。八日。詔知尚書內省事。宜春郡夫人朱從謙。除主管大內公事。知尚書內省事。轉潤國夫人。直筆司字陳氏。除知尚書內省事。轉順政郡夫

人。賜名從信。五月二十二日。詔德壽宮順政郡夫人王氏。特封才人。親屬推恩有差。十五年八月一日。詔皇太后殿內人成國夫人王氏。轉成國親穆夫人。十六年二月一日。詔司字吳氏。轉縉雲郡夫人。以上孝宗會要。淳熙十六年五月十八日。詔紅霞帔張氏。進封婉儀。六月十七日。詔知尚書內省事永嘉郡夫人朱從禮。除主管大內公事。轉和國夫人。典字直筆馮巧。除知尚書內省事。轉齊安郡夫人。賜名從順。十一月二十一日。臣僚言淳熙十四年九月十九日。指揮國郡夫人各減代手。分充主管文字一名。合省減人數。且令依舊。候離司或事故。更不作關。近鄭夫人馮夫人。位各差。主管文字。并代手。分充主管文字。及手。分三人。緣逐位。各已承降。指揮蒙朝廷給降。付身了當。不敢申請。裁損竊慮。日後更有國郡夫人。指例從舊。差破三人。難以阻遏。乞檢會已降。裁減代手。分充主管文字一名。施行。詔令照應已降。裁減。指揮將增置人。並罷。紹熙元年二月十五日。詔成國親穆夫人王氏。特授成國親穆柔正夫人。信安郡夫人徐氏。特授信國夫人。鄺氏。特授清河郡夫人。方氏。特授安化郡夫人。高氏。特授彭原郡夫人。三十日。詔重華宮內人梁氏。封新安郡夫人。三月十日。詔壽成殿內人崇國夫人劉氏。封崇國柔惠夫人。劉氏。特封感義郡夫

人。並依祿式支破諸般請給。十二日。詔宮人潘氏封新興郡夫人朱氏。趙氏。並與破宮字請給。五月二十三日。詔重華宮內人宋氏。特與封高平郡夫人。八月十二日。詔壽成殿內人張氏。特與轉永嘉郡夫人。九月二十三日。詔重華宮內人傅氏。特封信安郡夫人。吳氏。特封新安郡夫人。韓氏。特封齊安郡夫人。吳氏。特封咸安郡夫人。同日。詔至尊壽皇聖帝隨龍人吳氏。郭氏。並封淑人。十二月十五日。詔壽皇聖帝隨龍人信安郡夫人胡氏。特與依宮人祿格。支破諸般請給。二年。正月十二日。詔重華宮內人朱氏。特與封縉雲郡夫人。四月二十八日。詔隨龍內人張氏。封高平郡夫人。依祿格支破請給。五月。改封永嘉郡夫人。二十一日。詔重華宮內人張氏。特與破典字。依祿式則例。支破諸般請給。三年。九月二十二日。詔張氏。可特封郡夫人。請給特與依宮人祿式支破。十二月二十五日。詔大內女道吳仲修。特與補左街鑒義。四年。十二月十五日。詔宮人符氏。與轉永寧郡夫人。李氏。與轉通義郡夫人。五年。二月二十一日。詔同安郡夫人武氏。進封才人。三月十二日。詔宮人張氏。與封同安郡夫人。以上光宗會要慶元元年。正月七日。詔宮人劉氏。特封國夫人。袁氏。錢氏。特封郡夫人。並依祿式支破諸般請給。二年。二月十四日。詔

壽康宮內人鍾氏。朱氏。並特封郡夫人。依祿式支破諸般請給。三月十五日。詔宮人王氏。特封郡夫人。依祿式支破諸般請給。七月二十一日。詔隨龍信國淑明慈懿夫人。素氏。特轉信國淑明慈懿端靖夫人。溫國柔惠莊順夫人。成氏。特轉溫國柔惠莊順雍穆夫人。並依祿式支破諸般請給。三年四月。素氏加封信國淑明慈懿端靖柔嘉婉肅夫人。成氏加封信國柔惠莊順雍穆和懿英淑夫人。八月十三日。詔知尚書內省事平樂郡夫人楊從慧。除主管大內公事。知尚書內省事。轉崇國夫人。直筆尚字衛氏。除知尚書內省事。轉感義郡夫人。賜名從正。三年二月十二日。詔宮人劉氏。特封郡夫人。新安郡夫人張氏。特轉國夫人。三月二十八日。詔主管大內公事。知尚書內省事。兼提舉十閤分事潤國和順夫人朱從謙。特轉潤國和順端肅夫人。主管大內公事。知尚書內省事。兼提舉十閤分事。和國夫人朱從禮。特轉和國順懿夫人。並依祿式支破諸般請給。九月六日。詔壽康宮宜春郡夫人宋氏。新興郡夫人潘氏。並特轉國夫人。宮字陶氏。特轉郡夫人。並依祿式支破諸般請給。四年二月二十七日。詔壽康宮小殿直孫氏。特轉齊安郡夫人。于氏。特轉新定郡夫人。吳氏。特轉感義郡夫人。請給等。並依祿式支破。十二月十二日。詔壽康宮隨龍信

安郡夫人陶氏特轉和國夫人宮字趙氏特封寧國夫人依祿格支破諸般請給 十三日詔壽慈皇太后殿內人崇國柔惠夫人劉氏特轉崇國柔惠端肅夫人感義郡夫人劉氏特轉信國夫人宮字俞氏特封新安郡夫人朱氏特封齊安郡夫人並依祿式支破諸般請給 五年四月二十九日詔恭奉聖安壽仁太上皇帝聖旨壽康宮宮人劉氏特封滎陽郡夫人依祿式支破諸般請給 五月十三日詔婕妤楊氏進封婉儀 同日詔宮人李氏特封新安郡夫人 是日改封新定郡夫人 六年二月改封和國夫人八月二十六日詔壽康宮內人安國夫人鍾氏特轉安國柔嘉恭懿夫人冉氏特封新安郡夫人並依祿式支破諸般請給 九月二十一日詔壽康宮宮人尚字張氏特封清河郡夫人尚字周氏特封高平郡夫人尚字馬氏特封安化郡夫人並依祿式支破諸般請給 十二月二日詔壽康宮內人紅霞被孫氏特轉郡夫人依祿式支破諸般請給 六年二月十三日詔恭奉聖安壽仁太上皇帝聖旨壽康宮宮人永寧郡夫人符氏進封婕妤 二十日詔宮人齊安郡夫人王氏特封吉國夫人通義郡夫人曹氏特封滎國夫人司字李氏特封通義郡夫人典字潘氏特封通化郡夫人曹氏特封永嘉郡夫人黃氏特封順政郡夫人紅霞被周氏

特封新興郡夫人。宮人駱氏特封宜春郡夫人。周氏特封和義郡夫人。童氏特封縉雲郡夫人。四月一日。詔恭奉聖安壽仁太上皇帝聖旨壽康宮宮人感義郡夫人吳氏特封美人。五月二十三日。詔恭奉聖安壽仁太上皇帝聖旨壽康宮才人武氏進封婉容。七月七日。詔宮人曹氏特封和政郡夫人。紅霞帔俞氏特轉咸寧郡夫人。並依祿式支破。諸般請給。九月二十七日。詔宮人掌字賈氏。紅霞帔李氏。並轉郡夫人。依祿式支破。諸般請給。嘉泰元年三月九日。詔宮人通義郡夫人李氏特轉成國夫人。紅霞帔王氏特封新定郡夫人。並依祿式支破。諸般請給。二年六月十三日。詔知內庫新安郡夫人魏從正特與轉和國夫人。請給等並依祿式則例支破。三年三月三日。詔美人曹氏進封婕妤。高平郡夫人閻氏封美人。四月二十七日。詔皇后閻榮國夫人曹氏與陞兩字國夫人。咸寧郡夫人俞氏。新興郡夫人周氏。宜春郡夫人駱氏。和義郡夫人周氏。司字李氏。典字蔡氏。各特與陞轉國夫人。典字徐氏。紅霞帔鄧氏。董氏。張氏。各特與陞轉郡夫人。並依祿式支破。請給。同日。詔崇國夫人韓氏可陞兩國夫人。嘉定元年正月十四日。詔主管大內公事知尚書內省事兼提舉十閤分事。惠國莊順夫人馮從順與轉四字。主管大內公事知尚

書內省事。崇國夫人楊從慧除兼提舉十閭分事。與轉兩字。知尚書內省事。咸義郡夫人衛從正。除主管大內公事。與轉國夫人。直筆尚字何氏。知尚書內省事。與轉郡夫人。賜名從謹。五年八月十五日。詔宮人楊氏。除知內庫。轉信安郡夫人。賜名從簡。包氏。與轉紅霞帔。並依祿式。支破諸般請給。九年閏七月三日。詔知尚書內省事。咸寧郡夫人王從義。除主管大內公事。轉潤國夫人。直筆尚字呂氏。除知尚書內省事。轉永嘉郡夫人。賜名從智。直筆司字王氏。與轉尚字。實業典字張氏。與轉司字。書省紅霞帔。李氏。馮氏。並與轉掌字。聽宣王氏。吳氏。未出請受。官身王氏。張氏。內藏庫識字王氏。並與轉紫霞帔。未出請受。官身楊氏。張氏。史氏。並與轉聽宣。寶閣紫霞帔。張氏。管殿紫霞帔。王氏。未出請受。官身田氏。並與轉紅霞帔。並依祿式。支破請給。十年九月十二日。詔宮人吳氏。可封新安郡夫人。依祿式。支破請給。十二年十月二十七日。詔知尚書內省事。新安郡夫人何從謹。除主管大內公事。轉吉國夫人。直筆尚字王氏。除知尚書內省事。轉宜春郡夫人。賜名從信。並依祿式。支破諸般請給。十五年三月十五日。詔宮人吳氏。可特與封咸寧郡夫人。依祿式。支破諸般請給。十六年正月七日。詔宮人紅霞帔楊氏。特與封咸安郡夫人。依祿式。支破諸般

請給以上寧宗會要金史百官志官人女官職員品秩皆同唐制尚宮二
人掌導引皇后管司記司言司簿司闈仍總知五尚須物出納等事司記
二人典記二人掌記二人掌在內諸文書出入目錄為記審訖付行縣印
等事女史六人掌職文簿司言二人典言二人掌言二人女史四人掌宣
傳啓奏之事司簿二人典簿二人掌簿二人女史六人掌宮人名簿廩賜
之事司闈六人典闈六人掌闈六人女史四人掌宮闈管鑰之事尚儀二
人掌禮儀起居管司籍司樂司贊事司籍二人典籍二人掌籍二人
女史十人掌經籍教學紙筆几案之事司樂四人典樂四人掌樂四人女
史二人掌音樂之事司賓二人典賓二人掌賓二人女史二人掌賓客參
見朝會引導之事司贊二人典贊二人掌贊二人女史二人彤史二人掌
禮儀班序設板贊拜之事尚服二人掌司寶司衣司飾司仗之事司寶二
人典寶二人掌寶二人女史四人掌珍寶符契圖籍之事司衣二人典衣
二人掌衣二人女史四人掌御衣服首飾之事司飾二人掌飾二人女史
二人掌膏沐巾櫛服玩之事司仗二人典仗二人掌仗二人女史二人掌
仗衛兵器之事尚食二人掌知御膳進食先嘗司膳司醢司藥司饌事司
膳四人典膳四人掌膳四人女史四人掌膳羞器四司醢二人典醢二人

掌醞二人女史二人掌酒醴司藥二人典藥二人掌藥二人女史二人掌
 醫藥司饈二人典饈二人女史二人掌宮人食并柴炭之事尚寢二人管
 司設司輿司苑司燈事司設二人典設二人掌設二人女史二人掌帷帳
 牀褥枕席洒掃鋪設司輿二人典輿二人掌輿二人女史二人掌苑園種
 植蔬果司燈二人典燈二人掌燈二人女史二人掌燈油火燭尚功二人
 掌女功管司製司瑜司綵司計司製二人典製二人掌製二人女史二人
 掌裁縫衣服纂組之事司瑜二人典瑜二人掌瑜二人女史二人掌金珠
 玉寶財貨之事司綵二人掌綵二人女史二人掌錦文緋綵絲帛之事司
 計二人典計二人掌計二人女史二人掌支度衣服飲食柴炭雜物之事
 宮正二人掌總知宮內格式糾正推罰之事司正二人同掌典正二人糾
 察違失女史四人皇后位下女職司閨一員八品掌宮內諸并給散宮人
 俸給食料乘儀一員八品丞儀一員九品掌左右給事宣傳啟奏經籍紙
 筆之事直閣一員司陳一員九品掌帳幕床褥輿織洒掃鋪陳薪炭燈燭
 之事乘衣一員奉衣一員九品掌首飾衣服器玩諸寶財貨裁製練綵之
 事掌饌一員八品奉饌一員九品

閣職

山堂考索知閣門事 宋朝橫
 班有內容省使崇政殿受朝而

升東階侍立。掌四方進奉及四夷朝貢。牧伯朝覲。酒饌饗餼。宰相近臣。禁衛將校。節儀諸州進奉。使則物回詔之事。引進使。四方館使。唐四方館以通事舍人判隸中書省。石晉始有為卿監專判館者。宋朝初以檢校官判館。淳熙四年。改置使名。掌又武官正謝辭。國忌賜香。諸道月且正。至章表郊祀朝蕃官貢舉人進奉使。京致仕官道釋父老陪位之事。會要東上閣門使西上閣門使。凡取稟旨命供奉乘輿朝會游宴及贊導三公群臣蕃國朝見辭謝糾彈夫儀之事。使副專之。舍人以下但通班贊唱而已。會要其供職于內者。多用國戚世族。號為華要。禮均侍從。政和官制。橫班使副之名。既改為大夫。而其職任。則命內外官知焉。職略其後所除總名知閣門事。仍兼客省四方館之職焉。紹興三年。詔客省四方館並隸臺察。先是御史臺六察所隸官司。有因一時申明免隸臺察去處。至是殿中侍御史常同。乞依舊制施行。所貴百司庶務有所按察。不敢違戾故也。中興會要四年。詔依祖宗舊制。隸中書省不隸臺察。中興會要五年。詔右武大夫以上。並稱如閣門事。兼客省四方館事。若官未至右武大夫者。即稱同知同兼序。在知閣門之下。同上同知閣門事。宋朝東西上閣門副使。雖無定員。然選任不及踈遠。而所置常少於正使之數。政和官制。以左武右武

郎易二閣副使而閣門事乃命橫行知焉則同知之職乃昔時之所謂副使也。職略 閣門宣贊舍人。故事閣門無通事舍人而通事舍人沿唐

制自隸中書省如抽赴閣門並稱閣門祗候其後直授閣門通事舍人非

舊制也。天禧中閣門二字政和六年改為宣贊舍人政和六年御筆閣門

通事舍人名稱鄙俗可改為宣贊舍人詔旨 閣門祗候 國朝舊以閣

門通事舍人閣門祗候二等謂之閣職蓋武臣之清選也 閣門通事舍

人閣門祗候二等比館職清流為進取之基非熟於朝儀不在此選又有

看班祗候以命世家新進及擢閣門點檢使臣為之而點檢官乃知班使

之長者二年無過遂改看班政和間改通事作宣贊且不復選人材而濫

處不知其數人不以為貴也。官制舊典舊止三五員天禧初上與輔臣語

及減吏員而敏中曰太祖太宗朝閣門祗候不過三五員宣導贊謁而已

今踰數百而除授未已上曰此蓋相承為例當漸省之熙寧四年閣門請

擇武臣子弟六人前後殿日祗應以閣門看班祗候為祗候五年熟識儀

數乃除閣門祗候 閣門舍人 乾道中孝宗初置 慶元告詞云我朝

重閣門之職乾道置舍人之員 帶御器械 帶御器械宋初以來嘗選

三班以上武幹親信者佩橐鞬御劔或以內臣為之。會要初是職止名御

帶咸平元年改為帶御器械景祐二年詔自今無得過六人慶曆元年詔
遇闕員以歷邊任有功者補之舊制外任帶御器械過闕朝見不宿衛熙
寧六年向寶移真定府路總管過京師特命宿直三會安中興因乃四
廂奉日天武四廂都指揮使龍神衛四廂都指揮使四廂捧日舊曰
日騎天武舊曰控鶴宋朝太平興國二年詔改控鶴曰天武雍熙四年
改殿前司日騎曰集日龍衛舊曰龍捷神衛舊曰虎捷太平興國二年詔
改龍捷曰龍衛虎捷曰神衛皆以美名易禁軍之舊號也上四軍殿前
司捧日天武馬軍司龍衛步虎司神衛謂之上四軍各有左右廂廂各三

軍東齋

貼職

石林燕語國朝以史館昭文館集賢院為三館皆寓崇
文院其實無別舍但各以庫藏書列於廊廡爾直館直

記事

院謂職之館以他官兼者謂之貼職宋編年備要徽宗政和六年增貼職
詔舊貼職惟直秘閣直龍圖閣右文殿修撰不足以待多士可增置直徽
猷顯謨寶文天章閣秘閣集英殿修撰并舊為九等清波謀志貼職初止
有集賢殿修撰直龍圖閣秘閣三等耳政和間詔謂天下人才富盛赴功
趨事者衆官職寡少不足裒延多士乃增置集英右文秘閣修撰三等龍
圖至秘閣凡六等仍入雜壓自昔直秘閣例過稱龍圖蓋直閣之名舊纔

有二。集英即集賢也。江少虞類苑慶曆二年正月。光祿寺丞盛中甫馬直方。在館讀書。自陳歲久。請以貼職。仁宗曰。儒館之職。豈可求耶。止令大官給食。候三年與試。因詔罷館閣讀書。步里客談王伯虎炳之。自編修官得帖職。章子厚徧問堂中諸人云。誰主張。呂正獻曰。伯虎於例得。實上恩也。章遂默然。

永樂大典卷之二萬四百七十八

永樂大典卷之二萬四百七十九

二質

職

牙職

宋會要太祖開寶四年十月知邕州范旻言嶺外十州風土甚惡縣鎮津口稅賦夫額州主令佐皆是衙前職名及土人補置

因無廩祿非此色人不易久住慮言事者或請遍除職官廣屯兵士未知嶺外所入則少朝廷所費則多制置之時別有宜便詔依舊例差衙前勾當太宗太平興國二年三月二十二日以諸州所籍送嘗隸牙校者凡百人具九十五人補殿前承旨五人老病遣還先是方鎮侯伯得自補子弟為軍中校既死其子弟因父兄財力率豪橫奢縱民間患之太宗在晉邸悉知其事故即位之始盡命諸州籍其名部送至闕下以賤職羈縻之八年五月詔諸道州府軍監衙前使院客司通引官多是知州通判臨替徇情額外添人騫越還補自今並須依次轉補及不得額外別置名目添人如日前已有此類並須改正如違許諸色人論正犯人當行配決告事人支賞錢二百千犯事人家財充賞其干繫官吏等並當除名新官到任

後不舉覺亦連坐之。真宗景德四年三月詔開封府職員孔目官勾押官至前後行自來元不定遷轉年限今後並五年一遷逐度具功過以聞。六月詔諸州軍解奏牙校守職年深乞班行者自來例補借職若係藩方者即人員數多計其歷職久而方遷今後可特補奉職。大中祥符四年十一月詔開封府使院職員前後行等特因轉補職名如有見闕更不轉補候逐司却及舊管職名人數內有員闕即依舊例施行。八年正月詔三京及諸道州府軍監衙前使院職員等有受入已贓依法不至徒刑勒停見充散押衙者今後經恩特與降等收條或定額已足即令守闕如有闕亦依例遷轉內有元犯枉法贓并勒充衙前散職後再犯入已贓並依舊名目收管經恩不得收條應三司開封府過犯公人自來赦文該叙理者除犯入已贓及徒刑外餘並許於刑部投狀送所屬處勘會元犯因依以聞當與量所犯等第收叙。八月詔開封府應管牙職將佐都押衙左知客押衙左番通引官行首並壹處遷補仍具新定資級以聞。舊例叙遷至牙職之首即府以聞補充班行至是本府以押衙知客權行首各奏歲滿出職故有是命。九年九月開封府言定衙吏為三等左右都押衙為第一等以五年出職客司左右知客押衙為第二等六年通引同左右番

行首為第三等。七年並出職。其職員不立等第。有闕。即本司次補從之。
天禧二年十月。詔逐路轉運司。奏諸州軍都知兵馬使供職。年限者詳有。
一二年。或二年一替之處。例各不同。自今並二年一替。二年十二月。詔
諸路府州軍監。自今都知兵馬使年滿。並先申本路轉運司。委使副看驗
人材。書堪任班行差使。即得發遣赴闕。如選懦不習書劄及老疾不任差
使者。却送逐處興攝長史司馬。五年七月。詔廣南州軍都知兵馬使。除
廣邕桂州。每及三年無過。即試驗送闕下。自餘滿日。並試驗具入。任件折
奏裁。仁宗天聖元年十一月。詔宜州最處邊陲。接西南蕃。南丹州控帶
蠻洞。其衙前職員。累經差使。甚有勤績。自今都知兵馬使。三年滿。依例赴
闕與班行。諸處不得援例。四年正月。詔應諸州軍州院。勾押官已下係
節級名目者。如犯入已贓。依法不至徒刑勒停。該赦叙理者。比類使院。勾
押官已下體例。與衙前散押衙名目。不得隨例遷轉。七月。三省言夔州
路轉運司運轄下十二州軍使院。都孔目官。勾押官。職滿安排。勾當名目
內十一州軍。已有舊例。難議改更。外有兪州使院。都孔目官年滿。取便歸
農。自今於本州守闕教練使。安排更不歸農從之。十月。樞密直學士薛
田言。益州見管職員文帳。內有歸明軍將。後行四十餘人。即今只有十餘

入。乞與除落歸明二字從之。六年七月開封府言在府使院十一案每日行遣錢穀稅賦及刑獄諸般文書不少。欲乞添置守闕勾押官壹名。已後爲額與都孔目官同共繫書點檢諸司公事從之。十月臣僚上言。伏覩豪民於防團刺史以上。武臣門館。希求牒帖。補充教練使衙內指揮使。或內知客子城使。以至押衙廻圖軍將者。竊緣並是元隨之人。止可供身驅使。而外道豪民。求此名目。凌駕州鄉。兼并縱肆。官吏至有陪接者。欲乞自今武臣品秩合說。補置牙校者。止得於隨行人內收補。更不得以豪民充從之。八年二月南京言。當京自來。並無長入衙前轉遷體例。昨自建京後來。牒西京會問留府兩衙。分析到衙前所管職員。都知兵馬使一人。左右都押衙二人。都教練使一人。左右教練使各一人。守闕教練使一人。押衙二人。並三年一轉。至都知兵馬使三年滿出職。如願在班行。即押赴闕。如不願者。與攝長史司馬。遷轉之時。如闕職名人數。將舊管長入軍將從二名排連資序。轉充押衙守闕都教練使。左右教練使。都教練使。左右都押衙。都知兵馬使。乞依此體例從之。四月知濱州崔有方言。欲乞應諸州軍年滿得替。理正押司錄事。如差充衙前年滿願永充衙前者。並依見在職承引客司等例。據入仕年月次第相對遷轉。所貴願充衙前人見此。

遷轉職名體例。漸次別為招誘從之。景祐元年二月十五日。權三司使范諷等言。准敕詳定衙前人。乞除川陝廣南福建兩浙等路。且依舊外餘路。招召不曾犯徒刑有戶貫人充候。及三周年不犯徒罪無官物縮繫。願上京充三司軍將。令本州申三司抽填差使。詔三司軍將如不至闕人。且仰住招候。招到人額內數足。即更不得抽差鄉縣人充。餘從之。十月九日。詔州府都知兵馬使。令後年滿合得奉職者與借職。借職者與三班差使殿侍。並三年滿無賊罪。轉一資。五年二月十七日。詔衙前軍將身死。並依客司承引官名闕。許本家骨肉承填。寶元二年八月十二日。以府州都孔目官勾當府谷縣折諫為借職。是州境皆党項部落。堡人戶稀少。朝廷但以孔目吏掌縣事。教練使為獄官。時知州折繼宣蒞事。不法罷去。諫常依倚為姦。轉運使奏罷縣事。授借職羈縻之司理院。許選牙職不犯徒者充。皇祐四年十二月。詔諸州衙前在緣邊應役者。止令主管官物。毋使管勾公厨茶酒。帳設司違者。以違制坐之。嘉祐三年十一月。詔諸路轉運司。開封府界及府界提點司。體量衙前差配。主持買納官物。及押綱之類。有害民者。條奏之。五年二月。知雄州曹偕言。幽州人杜清。自來與雄州探刺事宜。今事覺挈家來歸。請補外州一教練使。給良田數頃。仍給

月俸從之。以上國朝會要。神宗熙寧三年十一月二十二日。定州言使院都孔目官乞依太原府都孔目官例。年滿赴闕與下班殿侍。本州指使一年。轉三班差使。詔太原府年滿推恩指揮。今後更不施行。哲宗元符三年六月十七日。試尚書兵部侍郎兼權吏部侍郎黃裳等言。契勘諸路都知兵馬使年滿。轉補三班差使。借差在元豐條到部。應副短使。足日收入住程。指射差遣。元祐立法。乃許歸本州。或本路管押綱運。仍依召募得替官員。支給路費。係短使者。即理短使。係住程者。即理在職月日。今看詳在部人。合應副短使一年以上。無闕方許收入住程。若獨許衙職出身之人。就便出外管押綱運。理當短使。顯屬僥倖。今欲乞依元豐條格。施行借差。從之。其元祐指揮。更不施行。徽宗政和三年二月八日。中書省言。契勘今天下諸州軍。因仍五代藩鎮之弊。胥徒府史。有子城使。教練使。都教練使。左右押衙。左右都押衙。中軍使。兵馬使。都知兵馬使。名稱鄙俗。今董正治官。革去因襲。擬釐改作都史。副史。介史。公皂。衙皂。散皂。上隸中隸。下隸從之。其請給遷補出職之類。並依逐州軍見行條法施行。以上續國朝會要。高宗建炎三年四月八日。詔應殘破去處。監司州縣人吏。並減半不經殘破去處。減三分之一。自今移文務從簡者。十月一日。臣僚言。諸

縣吏人自有定額。比年以軍興為名，多自添置。百姓因事到官，則群肆乞覓，少不如意，則舞文巧詆，無所不至。欲望行下逐路轉運司諸縣額外人數，並限日下罷免。妄作名目，占留者許諸色人越訴。詔行下諸路，依近降裁定人數施行。四年七月二十七日，詔應換授班直親從官差充諸州軍縣指使，依已降指揮於令之任，候任滿日更不差人。十月二十四日，樞密院言諸班直親從親事官已降指揮保義郎已下，差諸州軍指使未曾立定人數，詔每州各以五員為額內，已過數人任滿日更不差人。仍以先到任為額。紹興元年八月六日，戶部言吉州申昨來衙前舊法，係稱都知兵馬使等名目，及本州人吏係稱都孔目官等名目。後准指揮衙職改都吏人吏，改典史等契勘。建炎元年六月十六日，勅開封府官並依舊制諸州軍府准此，竊恐都孔目官等并衙職等名稱，亦合依舊詔諸路監司州縣衙職人吏並依舊制稱呼。三年十二月十五日，淮南轉運司言建炎三年四月八日，赦應殘破去處人吏並減半，不經殘破去處裁減三分之一。今來文移減少民訟未多，欲乞准西州縣已減上更減三分之一。如將來民戶歸業事務繁冗，許從州縣申請乞行添置。其州縣如有更願減者聽其減併從之。八年三月六日，詔監司州縣等處吏人犯罪，但已

曾編配或於法本不合編配而情重法輕有司酌情特行編配之人雖會恩或依條放還或改正過名並不許收叙亦不得投充他處名役從之

五月二十三日臣僚言州縣吏人各有定額中昨三分減一而官吏循習務為容庇往往過數存留望申嚴法禁今後專委提舉常平司覺察從之

九月二十一日詔諸路監司州軍人吏見帶校尉以上名目之人不自陳解罷依舊充役者徒一年官司容庇杖一百以臣僚言州郡舊制人吏每遇考課推其年額最高無罪犯者補攝參軍號為出職未有得為品官者唯節鎮衙前每歲解發一名補承信郎近歲以來寢失舊制監司州郡執役人吏夤緣軍興之際奏功推賞竄名其間例蒙授以品官一州不下數人高者至保義郎下者進武校尉且以近地數州論之平江府尤甚為役吏而帶行階官固非舊制而又仍舊掌行文案未嘗罷役參選故有是命十二年九月八日臣僚言州縣往往擅自增添人數額外收補充手分貼司鄉書手并存着私名貼馬之類及收叙犯罪勒罷吏人入役并有斷配他州者輒敢不往配所依前家居或存留在案充私名貼司恣其作過伏望令戶部檢坐數條行下諸路專責通判先自本州軍及遍詣管下點檢將額外增置及斷罷不應充役之人并存着私名貼馬之類並日

下放罷所有斷配之人如尚留本家即收捕依法施行訖嚴切押往配所
交管其州縣違戾之罪乞權貸免自後有犯論如常法仍令部使者常切
覺察詔令戶部檢坐見行條法行下仰諸路監司按察如失舉劾令御史
臺彈奏十三日赦勘會監司州縣公吏自有裁定人額後因泛濫收係
及令負犯人冒名充役蠹害百姓累加約束近臣僚奏陳又降指揮令戶
部檢坐條令申嚴仍委監司按察尚慮上下容庇奉行滅裂限赦到應負
犯及額外收係如私名貼書家人之類並放罷鎮寨場務依此當職官失
覺察並行竄責二十六年八月十一日御史中丞湯鵬舉言欲固邦本
在寬民力在省人吏今之州縣胥徒最冗為民之害最甚且如既有正額
又添守闕既有習學又收私名創立事端則謂之專行分受優輕則謂之
兼案率置一局則三四人共之貼司又不可勝計比年以來朝廷屢行告
戒赦文累有約束或減省吏額或禁止冒役丁寧備至率皆巧作名目或
云見行理雪而所屬公文未下乞先次權案或云已經赦宥而叙復合得
元名乞先次收補於案牘公移則避罪而不繫書於監司巡案則匿名而
暫逃避凡此之類未易殫舉緣此州縣本無事也以人吏衆多紛張而生
事居民本無訟也以人吏姦猾教唆而興訟追呼逮捕文移騷然第見吏

日益富民日益貧比年守令監司恬不加卹朝廷豈可不為之立法乎伏
覩建炎三年赦文內一項具載減罷人吏最詳而一時奉行不虔至今徒
為空文乞下戶部委逐路常平官躬親出巡量立期限參照見行條令視
州縣繁簡分為上中下三等立定合置吏額如逐處已是足用則不須增
置如或過額則自當裁減內有曾經編配放停之人並不許收叙稍有違
戾於額外收補委監司守令常切覺察如不遵守以違制論詔依令逐路
常平官參照吏額立定申尚書省 十二月十二日宰執進呈兩浙東路
提舉常平趙公稱奏一路人吏共四千二百六十一人減罷二千一百九
十三人上曰一路人吏乃有許多減得極是縱容此輩在官役錢固不足
惜唯是姦猾侵欺大為民害二十餘人衣食皆取於民便是供養二千餘
家民力極不易沈該曰兼此輩蓋是黠胥教唆詞訴尤為民患上曰若諸
路依此措置減罷不唯州縣省事百姓亦受賜無窮也 三十年八月二
十五日大理評事蔡洸言伏覩紹興二十八年郊祀大禮勅契勘昨緣州
縣監司公吏猥冗已降指揮裁減及犯罪停罷之人訪聞往往循習積弊
別作名目收條既無吏祿則取給百姓至於教唆詞訟變亂曲直擾害公
私並日下罷逐與免科罪仍仰提刑司常切覺察如有違戾去處按劾以

聞切見近日諸州縣監司吏額之外略已去矣獨有諸縣未能恪意奉行
頓革此弊除吏人定額之外依前潛置私名號為貼書款司其徒尚繁每
一劇邑有至一二百人少亦不下數十人縣官利其便於使令一切不問
朝入縣門百十為群散之吏舍行遣公事操切百姓乞取無厭抵暮無有
垂手而歸者使鄉民日贍一二百人自然膏血盡矣何為而不困耶且有
老姦巨蠹累犯斷停置身無所專務剽探縣道持其短長苟或不容則假
托姓名妄興詞訟官吏畏之無敢不留公事一入其手則舞文弄法擾害
公私正如詔旨之所謂者可不逐乎伏望申嚴行下提刑司常切覺察如
有違戾去處即依赦勅指揮按劾施行私名冒役之人一例依條斷罪詔
令戶部申嚴行下其昨降指揮令諸路監司叅照裁定吏額至今未見申
到去處仰本部限一月催督如依前違戾具監司職位姓名申尚書省取
旨十二月七日臣僚言州縣公吏每月請受從長官給券按月以支不許
借請不許以次官書判乞備坐見行條法及節次承降指揮下諸路監司
并所部州縣常切遵守令後公吏借請一歲通不得過兩月如過數借請
其借請之人及判狀幫書官吏並計賊斷罪及乞從戶部不時取索驅磨
將違戾去處按劾施行從之

以上中興會要 孝宗乾道二年五月

十七日戶部言提舉江南東路常平茶鹽公事李庚奏今後吏人陳理身役雖有叙法更令本州縣保明申常平司具錄元犯重行覆實本部契勘緣已有見行條法指揮該載廬州縣奉行不虔欲行下諸路常平司鈐束所部州縣常切遵守毋致違戾從之五年三月二十七日臣僚言乞嚴行禁戢監司州縣公吏非因差出不許借請令諸路監司互察從之六年八月二日試宗正少卿兼戶部侍郎王佐言乞令提舉常平司委州之主官官限兩月取索屬縣額內公吏看詳如委有違條冒役人即行勒罷如收叙應法聽令在役仍將各縣公吏姓名揭於板榜其稱再入役者略其所叙之因俾民通知歲終一易論訴冒役者必須指其元犯罪名與收叙不當因依如根究得實監司守令當職官依紹興二十六年八月指揮坐違制之罪或姦民挾私妄訴亦科反坐從之九年閏正月七日詳定一司勅令所言契勘諸州衙職解發補官乾道令稱孔目官每州補一名年滿解發赴闕補官緣政和二年二月九日指揮都知兵馬使改為都史昨修書日照都史二字作都吏字改移為孔目官今看詳合將上條內孔目官三字依舊作都知兵馬使為文從之七月十七日兩浙西路安撫司言本司人吏年勞補進義副尉存留充主管文字三年竊緣本司係掌

行一路事務。其主管文字實歷三年。應辦委是繁重。乞欲將人吏補受充。主管文字三年爲任。年滿無遺闕。許轉一官離司從之。以上乾道會要。

淳熙元年十一月七日。詔將吏職副尉職名。依舊法隸都官。二年二

月十日。福建提刑葉南仲言。郡縣獄吏推行重祿。今職級押錄之下。有推司疑司之下。有代書貼司。自推款司以上。行重祿。代書貼司無祿也。是以每有獄事。則推款司主行之。而賕賂公行。則在乎代書貼司也。獄成而無詞。訴則衆分其賂。有詞。訴則貼司當之。又相與營救。止抵微罪。乞詔有司。立定郡縣獄吏額數。應在獄者。並行重祿。如敢額外增置無祿人吏。並以違制論。令監司按察以聞。從之。四年九月二十八日。臣僚言。乾道七年。太府寺丞王全福申請。乞將州縣吏人。就提刑司試中。方許補充。近來州軍循習。久例皆不試補。乞令諸州軍法司習學。并知曉法律。不係習學人。解赴提刑司。令檢法官依條收試。逐州不限所取人數。將試中人籍記姓名。行下本州。元習學人外。其餘人數。如諸州無合格人。及日後闕少。諸司許指名申提刑司。選差詔諸路州軍。每歲專委通判試補。將試中人籍記。以備差補。五年四月八日。詔諸路提刑司。行下所屬。應州縣承勘人吏。並從上名。選差諳曉鞠獄人。從大理評事周邲請也。紹熙三年五月二十

九日臣僚言伏觀法文應州縣分為等降許置吏額皆有定數近者所至多於額外巧作各色添置乞行下監司守令照應見行條制額外一人不許存留揭示姓名使民通知捨是許人越訴庶幾民不被其侵漁之害從之慶元六年六月二十四日臣僚言州府吏人資級自正額手分遞遷都孔目官及點檢文字其衙前職員資級自容司客將遞遷押衙等昨來臨安府陳乞本府係車駕駐驛之地事務不一委是勤勞竊見兩浙轉運司人吏年滿已降指揮補承信郎緣本府與外郡不同比漕司尤重乞比附開封府格法上降二等補承信郎欲乞除兩浙轉運司臨安府自依見行條法指揮外今後諸路監司州軍人吏并衙職等並不許解發所有已保明在部之人亦不許補授庶免攀援僥濫之弊仍乞令敕令所循立成法從

館職 祖宗官制舊制館職有三等所謂直昭文館直史館直集賢院直祕閣號正館職其次集賢校理祕閣校理為初除職名若選人入館則除祕閣校勘又有校勘黃本之名為館職之基也國朝選除館職若三人及第并制科或經筵臺諫官方得之自餘須宰執被詔各兼所知方召試賦論各一篇但文理粗遣無犯者皆不落或上知名而付召試者亦然乃為仕途之榮遇故號登瀛而卿相之貴鮮有不出此

途者。逮熙寧中。王安石當國。喜用新進少年。主行新法。遂不由召試而直除館職。由是闢葺輕薄之士。得以濫廁儒館。時已不知貴况。崇寧而後。乃增為九等職。以為賞功之格。自是俗冗不學之徒。及嬰兒孺子。或胥吏之後。叨竊館閣之名。孰為貴哉。至元豐更官制。以著作祕書郎為等。其次佐郎校書郎。又其次以正字待未朝官。及選人皆取時學名士。無復召試矣。至于崇寧後。多處恩倖。至於伎術之子。戎狄四裔。皆預此除。豈止闕葺不學之徒耶。由是儒館養賢之名掃地矣。詳見試字黃氏日抄館職三路進士高科大臣薦舉歲月疇勞石林燕語寇萊公初入相。王沂公時登第。後為濟州通判。滿再歲。當召試館職。萊公猶未識之。以問楊文公曰。王君何如人。文公曰。與之亦無素。但見其兩賦志業實宏遠。因為萊公誦之不遺一字。萊公大驚曰。有此人乎。即召之。故事館職皆試於學士院。或舍入院。是歲沂公特試於中書。續通鑑長編仁宗慶曆五年。翰林學士王堯臣等言。奉詔詳定選任館閣官。請自今遇館閣闕人。許帶職大兩省以上舉官。有文學行實者二人。在外舉一人。更從中書采擇召試。其進士及第三人以上。自如舊例。詔凡有臣僚奏舉。並臨時取旨。麟臺故事。宋明道年間。武寧軍節度使兼傳中夏竦。武勝軍節度使同中書門下平章事程琳。

薦尚書屯田員外郎張頌祕書丞蔡抗。太子中舍李仲昌節度掌書記李師錫等試館職。仁宗以謂館職當用文學之士。名實相稱者居之。時大臣所舉多浮薄之人。蓋欲以立私恩。朕甚不取也。於是頌等送審官院與記姓名而已。然士遜之子友直竟為祕閣校勘。與盛度之子申甫皆賜同進士出身。後陳升之為諫官。言比來館閣選任益輕。非所以聚天下賢才。長育成就之意也。請約自今在職者之數。著為定員。有論薦者。中書籍其名。若有闕。即取其文學行義傑然為衆所推者。召試。仍不許大臣緣恩例求試補親屬。上曰。自今大臣舉館職。中書籍其名。即員闕。選其文行卓然者。取旨召試。學士院考校。毋得假借等第。自是近臣無復以恩求試職者。至至和元年十月。宰臣劉沆子太常寺太祝瑾。令學士院召試館職。先是。沆以監護溫成皇后園陵畢。固辭恩賚。而為其子請之。嘉祐二年。遂除館閣校勘。景祐三年四月。宰臣文彥博言。直史館張瓌十餘年不磨勘。朝廷獎其退靜。嘗特遷兩官。今自兩浙轉運使代還。差知潁州。亦未嘗以資序自言。殿中丞王安石進士第四人及第。舊制一任還進所業求試館職。安石凡數任。並無所陳。朝廷特令召試。而亦辭以家貧親老。且文館之職。士人所欲。而安石恬然自守。未易多明。大理評事韓維嘗預南省高薦。自後

五六歲不出仕宦好古嗜學安於退靜並乞特賜甄擢詔賜張環三品服
召王安石赴闕俟試畢別取旨韓維下學士院與試然二人者卒不就試
至和二年始以維為史館檢討嘉祐元年環同修起居注四年安石直集
賢院英宗嘗謂輔臣曰館閣所以育俊才比欲選人出使無可者豈乏才
邪叅知政事歐陽脩曰取才路狹館閣止用編校書籍選人進用稍遲當
廣任才之路漸入此職庶幾可以得人趙槩曰養育人材當試其所長而
用之上曰公等為朕各舉才行兼善者數人雖親戚世家勿避朕當親閱
可否宰相曾公亮曰使臣等自薦而用之未免於嫌也韓琦曰臣等所患
人才難於中選果得其人議論能否固何嫌也上固使薦之於是琦公亮
脩槩所舉者凡十餘人上皆令召試琦等又以人多難之上曰既委公等
舉苟賢豈患多也乃先召尚書度支員外郎蔡延慶尚書屯田員外郎葉
均大常博士劉攽王汾夏倚太子中允張公裕大理寺丞李常光祿寺丞
胡宗愈雄武軍節度推官章惇前密州觀察推官王存等十人餘湏後試
已而召試學士院夏倚章惇雖入等以御史有言倚得江西轉運判官惇
改著作佐郎而已以劉邵王存為館閣校勘張公裕李常為祕閣校理胡
宗愈為集賢校理治平四年御史吳申言先召十人試館職漸至冗濫兼

所試止於詩賦。非經國治民之急。欲乞兼用兩制。薦舉仍罷詩賦試論策。三道。問經史時務。每道問十事。以通否定高下去。留其先召試人。亦乞通新法考試詔兩制詳定以聞。其後翰林學士承旨王珪等言。宜罷試詩賦。如申言。於是詔自今館職試論一首。策一道。至元祐中復舉試館職。則試策一道而已。故刑部胡尚書嘗云。祖宗時館職。暑月許開角門於大慶殿廊納涼。因石曼卿被酒扣殿求對。尋有約束。自後不復開矣。耆舊續聞。故事館職。每洛陽貢花到。例賜百朶。并賜南庫法酒。此二者麟臺故事不載。因誌之。魏泰東軒筆錄。宋朝亦縣箠庫。猶差館職人。故錢易知開封縣。孫僅知浚儀縣。韓魏公琦監左藏庫。皆館職也。經慶中為館職。一日飲於相國寺僧祕演房。語笑方洽。有一人箕踞於旁。睥睨經曰。禍作矣。僅在頃刻。能復飲乎。陸大怒欲捕之。為祕演勸勉而止。薄暮飲罷上馬。而追牒已俟於門。陸惶懼不知所為。復見箕踞者行。且笑曰。無苦。終復故物。既而陸得罪。斥廢累年。嘉祐初乃復館職。本朝狀元及第。不五六年即為兩制。亦有十年至宰相者。章衡滯於館職甚久。熙寧初冬月。聖駕出館職例當迎駕。方序立。次衡顧同列而歎曰。項年迎駕于此。眼者凍倒。掌禹錫倏忽已十年矣。執政聞而憐之。遂得同修起居注。苗振以弟四人及第。既而召試。

館職一日謁晏丞相晏語之曰君久從吏事必踈筆硯今將就試宜稍溫習也振率然荅曰豈有三十為老娘而倒棚孩兒者乎晏公憍而哂之既而試澤官選士賦韻押有王字振俾之曰率土之濱莫非王由是不中選晏公聞而笑曰苗君竟倒棚孩兒矣卻掃編舊制召試館職詩賦各一篇治平中東坡被召自言久去場屋不能為詩賦乃持詔試論二篇宋史王安石擢進士僉書淮南判官舊制秩滿許獻文試館職安石獨不獻文遂再調知鄞縣列傳王居安遷校書郎居安乞召試言祖宗時惟進士第一不試蘇軾以高科負重名英宗欲授館職韓琦猶執不從執政謂居安曰朝廷於節度尚不較况館職乎居安因言節鉞之重文非位極武非勲高胡可妄得丞相言不較過矣時蘇師旦命且下故居安言及之容齋五筆建炎南渡稍置館職紹興初始定制除監少丞外以著作郎佐郎秘書郎二員校書正字通十二員為額倣唐瀛州十八學士之數其遷出它司非郎官郎御史唯林之奇以疾王十朋以論事皆徙越府太宗正丞自乾道以後有旨須曾任知縣始得除臺察曾任郡守始得為郎三館之士固無有歷此者於是朝廷欲越次擢用者乃以為將作軍器少監旋進為監既班在郎上則無所不可為欲經濟清要者則由著廷祕郎而拜左右二史

不然不過兼權省郎年歲間求一郡而去而御史之除皆歸六院矣爾後頗靳其選再遷寺監丞簿然後命之向時郡守召用雖自軍壘亦除郎今資淺望輕者但得丞及司直或又再命始入省云馮太師集代范憲子功謝館職表 恩光至厚盡出於天心職任兼優實形於望表俯循僥昌重集兢惶中謝臣文匪出於天資學不通於世務早預三雍之盛會遽塵群俊之名科退懲迂踈思見原本聖經堂奧之所在治道川途之可行見彈過求輒輕於銜鬻不龜非望誤置於等差人言劇而靡當天禍生於非據念自殞滅敢期奮興久之試効於天畿尋亦召臨於帝宸親奉堯言之温厚與聞漢法之更張特分使權凡在宸斷俾按刑於江表尋易地於漢中蔑著事功仰酬覆載力中途中途而不足迹故步以思還私誠未通優命先及况三館清華之地皆一朝英俊之游文章三代之餘風禮樂百王之舊貫首此圖治要先得人獨聖神最重於東求雖輔相不參於擬議豈茲盛選猥及微臣且人情樂近於鄉粉而地望素稱於東梓渙然華劇被此荒愚此盖伏遇皇帝陛下造化獨運於天生成無私於物念臣以一日顧問之舊察臣以四方奔走之勞惠然早矜全以終始期有收於末効俾漸致於榮途敢不奉承寬條安慰遠俗盡斷斷之一節少區區於萬分筆硯家傳

固不忘於舊學。江湖身遠，思有補於盛時。庶成芒髮之勤，上答乾坤之施。趙清猷公集奏乞罷豫召試館職狀。臣竊聞召周豫試充館職緣豫素乏時才，兼無士譽。在大名幕府，日以阿諛昵狎結人之知。故宰臣陳執中因而舉奏，夫朝廷待才用之地，館閣寔清要之局。凡預選者，號為登瀛。苟非其人，則公議不許。伏望陛下特賜宸斷，罷豫恩命，以破邪倖之黨。激知耻之風。宋劉元城盡言策論館職乞依舊召試狀。右臣伏見祖宗初定天下，首闢儒館以育人材，累聖遵業，益加崇獎。處於英俊之地，而厲其名節。觀以古今之書，而開其聰明。廩食太官，不任吏責。所以成就德器，推擇豪傑。名卿賢相，多出此途。得人之盛，無愧前古。然自近歲以來，寢輕其選。或緣世賞，或以軍功，或酬聚斂之能，或徇權貴之薦。未嘗較試，遂貼職名。漸開僥倖之門，恐非祖宗之意。伏望陛下明詔執政，今後館職無俾輕授。必求文學行誼，有聞於時，審察其才實可長育。然後一依近降條制召試。而命庶使名器漸重，不容幸得。循致賢能，以備官使。再奏狀。右臣近嘗奏請，今後館職欲乞並依元立條制召試而授已奉聖旨施行。然臣伏觀所降指揮，尚有未盡。輒復論列，庶幾小補。臣嘗謂祖宗以來，新進入館之人，鮮有不試而命者。推是搢紳宿望，治效顯著，或累持使節，或移鎮大

藩欲示優恩方令貼職今陛下過聽臣言追復舊制雖云大臣奏舉到館職並依召試方得除授而繼云其朝廷特除者不在此限則是不問人才之如何資歷之深淺但非奏舉皆可直除名爲更張弊原尚在臣愚欲乞特降指揮依故事約自轉運使以上資序特除者方得不用此制度能塞僥倖之門重館閣之選揚傑無爲集賀吳司諫館職嚮審光奉寵書榮陞秘館伏惟慶慰某官修誠端本造道資深擢自賢科任當諫列盡忠補闕增帝衮之文章執節彈邪登王朝之繩墨聰明眷注中外樂趨會芸閣之掄才慶蓬山之得路牙籤鈿軸緝唐室之遺經金馬石渠踵漢儒之故事豈圖謙德先辱珎函曩屬居憂久稽馳慶感悚之至併集所懷回賀王敏甫學士館職啓 竊審光被寵恩進膺華秩自聞成命彌切抃心伏以圖錄秘藏上帝名之冊府賢能叢聚前古謂之蓬山豈徒收較籍之勤蓋所重育材之地文章翰墨得士爲多輔弼公卿由此其選時髦顯擢輿論僉歸恭惟判院學士國器宏深天資茂粹綵衣就養業詩禮以趨庭青雲致身角英雄而入彀識高衆譽名重上知方挺秀於相門再假途於儒館金匱石室讎千載之遺文鈿軸牙籤傳一家之舊物經綸有素步武曷量固宜自負以軒昂敢謂不遺於鄙賤連城至寶過僻陋以暗投萬里

亨衢知扶搖之遠到銘深肺腑留示子孫張舜民畫墁集代賀河州通判
鮮于師中授館職啓 伏審進秩書林易官河右伏惟慶尉國家恢復土
寓遴選才良惟茲智者之慮能克協明王之賜賚湟中遠俗暫贊貳於六
條蘭省清游矜趣承於二節翟忠惠先生集謝除館職啓 蒙恩授前件
職者奉對西清凜天威之咫尺策名東觀近雲漢之昭回顧影自惟無顏
以寄唯石渠天祿之府祕金匱玉版之藏翰林墨客之文章河圖洛書之
典訓怪如齊諧之所志微至稗官之所收極備至於方言其流及於瑣語
煨燼竹簡發羽陵汲冢之編料斗漆書離曾壁淹中之蠹蓋古人禮求諸
野而夫官學在四夷僅有典刑推亡古昔仲尼之悼借馬猶及闕文夏禹
之尚遺聲以存追蠹自非網羅百氏之學貫穿千載之間約六藝以成章
潤九流之領略則孰能刪除繁穢訪夫舊聞得高頌十二篇考次逸詩之
闕取武成二三策緒正古書之遺至於曉幼婦之微文釋四蟲之訓纂討
論竅識辯歧周枸鼎之銘義證古文迹東漢顯陵之策唯時遴選益嘆才
難固將廣豪傑之儲須以待朝廷之用必如前哲增重此名而况切近禁
嚴雍容嘯諾建章鳳闕望帝極之太微策府玉山應星躔之東壁欲掄材
於人物聊養望於歲時某意廣才踈心勞志大空懷憂國見謂狂生中捐

未路之差池未分昔人之憂患言從宰掾入選書林汗青簡於表季絕韋
編於卒歲初無聞於是正獨能問於何如恭惟司空僕射相公德盛阿衡
師惟尚父服袞衣繡裳之命數寵冠上公偉龍章鳳姿之儀刑照映群辟
略春秋責備之法得天下英才之歸雖此妄庸不忘教育孰云晚出得與
斯文乃賸蓬山世惟舊物慨流波之未遠愴風木之纏悲再命維新相望
踵武惟先人嘗掌斯事獲繼前修卒父業復總群書敢期故實永言陟岵
之感終廢蓼莪之篇然而以先儒之熟訓詁而誤爾雅之彭蜩大夫之識
具教而名先君之獻武况如淺陋無乃闕疑庶幾農馬之專可與魚蟲之
注述陶唐至于麟趾安所發明頌聖主之得賢臣或能論著韓駒陵陽集
謝館職啓 右某啓召聞西垣無裨善政校書東觀有玷明恩上愧訓詞
下慚公議始周置圖籍之史至漢增籀正之官必取長才以叅妙選洪惟
治世益重儒生地接昇龍陋諸司之褊迫榜開回鳳生三館之光輝備鑿
輅以親臨寵上公而兼領然而覽昔人之政事詢前輩之遺風授職尚輕
加東海釣客之號禮賢未備有步行學士之稱空存稽古之名豈盡育才
之意簡編朽脫難分寫虎之訛俸祿酸寒不免騎驢之誚自元豐更制之
後及主上崇學以來待遇頗隆英髦相繼未有朝脫身於草野暮投蹟於

蘭臺初下詔除極醜面目。何則世皆談道。而某獨守於舊聞。士貴通經。而某粗明於大義。為己之學博而不精。自好之言華而少實。歷觀秉筆之士。罕遇好文之時。故賡載之歌。止聞於前世。而離騷之作。每出於羈臣。方今聖謨協於兩儀。敵藻窮於六義。有君如此。士肯分於山林。奏論何功。詔俾躋於仕版。已銓材於吏部。更試藝於中書。窮語易工。對從臣而思拙。野謀則獲。趨禁省以神驚。虛忝淮南之食時。終愧江都之條對。權公孫於下等。錫以殊科。取逆旅於新豐。處之延閣。念素迷於青簡。必著謬於金根。始終皆自於聖知。推借實資於公舉。某官識高絕俗。德厚鎮浮。學貫九流。最遠通於儒術。身兼數器。尤擅美於文章。黼黻帝猷。著龜國是。義先推轂。韓退之題僧孺之門。論可吹生。皇甫謐序左思之賦。陰憐長物。猥賜餘光。欲酬國士之知。惟厲匹夫之志。伏惟某官。陳禹謨而協舜。躬尹德以暨湯。四海九州。識周公之制作。群工庶尹。誦夫子之文章。謂立功全在於得賢。而報國莫先於論士。已大分於邪正。猶雜進於妍媸。念某志切彈冠。義或難於自銜。察其器無佗用。少惟喜於觀書。起於徒步之中。寘諸無競之地。夫施而望報。固君子之所不為。而受則懷恩。亦鄙夫之所深耻。謹當廣所未見。益其不能。英俊並游。儻少依於日月。筆研淺事。諒奚補於絲毫。謹啓。陸佃

陶山集除館職謝丞相荆公啓 乘槎問漢。敢妄意於英躔。入館登瀛。遽叩名於仙籍。載循蹇淺。彌切兢慚。國家乘有赫之炎圖。紹無疆之寶曆。篤生睿主。登用真儒。壯武烈於文謨。賁唐文於皇質。恭以宮使相公先生。道承三聖。德冠群倫。既流膏澤以下民。更翼詩書而造士。至言不出。賜也僅聞。其文章大象無形。參乎才見。其忠恕成功弗處。秉義甚高。將集聖人之清。忽辭天下之任。而某曲蒙獎育。最號迂愚。早聞咳唾之音。晚在鑪錘之內。回瞠目乎其後。每望車塵。踈攘臂於其間。更縻廩賜。地登詞館。實出師門。緩三年而為儒。竊嘗承學。烏丸寫而成鳥。猥預校文。點礫甚功。銜珠曷報。秋陽以暴。緬懷滌漢之清。春服既成。遐想浴沂之樂。仕欲行義。進思盡忠。庶無負於初心。庸少償於至德。清江三孔。集孔平仲。謝試館職啓 以奔走道涂之餘。與荒廢筆硯之久。攷其辭藝。固無可觀。寘在校籬。益非稱併。為僥冒徒有兢慙。國家放唐漢之遺文。修祖宗故事。恢復儒館。養成人材。被詔而舉者。皆執政巨公。操觚以應者。多知名君子。奉玉堂之大對。參金馬之俊游。常患欲專心務學。則奪之以衣食之謀。欲盡力從事。則妨其為文字之習。今則坐享大官之膳。縱觀廣內之書。以甲乙編次為工程。以黃墨精謹為職業。莫優此局。宜得其人。某生於卑薄之鄉。長於冗散之吏。

時之所汰。志亦自灰。流落四方。侵尋半世。視顏且老。年已抱孫。投綏僮歸。官當任子。豈期末路。亦綴清涂。繇章貢之劇邦。陟蓬萊之秘府。一門兄弟。如以次升。同時朋儕。最爲後至。蓋自知其無取。故不敢以爭先。例被甄收。諒由汲引。此蓋伏遇某官。推至誠樂與之厚。廓大度并容之公。提衡寒生。推轂晚輩。采葑菲之賤體。垂虹蜺之未光。借衮之褒。獎以丹青之價。遂令淺鄙。亦不棄捐。重念勢有屈信之殊。時有淹速之異。故士之於欲進也。或難於拔山。或易於拾芥。而人之於所知也。或成之於遲暮。或達之於須臾。方某之爲諸生。遇執事之爲祭酒。屢閣教誨。常辱提携。解褐踰二十年。隨牒既六七任。聲迹湮沒。不復登門。光景蹉跎。已如隔世。邈於今日。播在洪鈞。雖台輔之柄。執事可以必致。而無疑。而患難之身。某實不自意。其及此。永惟孤臣孽子。操心之苦。竊慕匹夫媮母致命之忠。方衆人之所不收。而平時之所無望。蒙恩既厚。報德云何。惟有捐軀。以爲知己。葛珠仲母。某謝除館職。啓芝檢誕頌。猥荷褒遣之寵。蘭臺入直。獲從英雋之遊。退揣冥煩。仰慙推擇。竊以登延冊府。號第一官。紉繹祕文。非具員吏。歷觀前日。率付可人。爲名流待用之途。不華姓起家之選。故凡青錢學士。不媿赤衣諸賢。或由少訖老。而手不置書。或自甲至丁。而卷能談事。或聚七千帙。而

考練或課五十紙而校求銜環奇者旬日而了。祕閣奧篇自標置者三年而隔同舍共語。圖形東觀蔚為經術之宗。奏賦南郊爵若辭華之美。以岑文本之材而始願止此。如張伯緒之望而固求不遷。矧昭代之恢儒幸聖皇之崇學。顯帝堯文章而飾萬物。體周王壽考而烝衆材。槐市交興蓬山尤重。肇新寶字。申揭雲章。老人出授於神書。童子不憂於朋字。荀錄虞志擁籤帶之紛紜。任筆沈詩。萃紳綏而商略。間猶訛謬。特重校讐。言豕渡河者三。實資是正。書馬并尾而五更在研窮。豈容素飡以累清議。伏念某人門具下。年位並輕。雖問學勉企於前修。而聲望不高於時輩。規規求志。踴躍固窮。偶屢竊於詞科。因數移於宦牒。主青衿之學校。久因齏鹽。對黃卷之聖賢。益勤鉉槩。俄嬰艱棘。深自屏藏。摧傷甫逮於喪除。收召俾承於官之。預清臺之較曆。佐戚邸之司宗。坐賊餼糧。了微功闕。何言此段。稍躡稠人。秋蕙簡編。覺芸香之消蠹。夜窺墳籍。驚藜杖之分光。顧惟久衰多難之姿。豈圖偶得僮來之幸。此蓋伏遇某官。朝廷元老。學者宗師。以獻可替否。贊時雍。以激濁揚清。昭人望。顯致掄材之助。仰禪序爵之公。謂牛鼎烹雞。用器固難於適稱。然議蟻封試馬。歷久始見於非常。當求未見之書。更輔多聞之友。措諸事業。庶能酬教載之仁。作為文詞。或可頌泰平之盛。因南

山多集服除再除館職謝啓 銜哀去國。絕望清時。申命起家。復塵舊著。痛永辜於親養。忍再竊於身榮。削贖之歸。撫心流涕。蓋聞好醜之並進。寧無底滯以求通。然金為物之至堅。改煎猶懼其耗。木已拔而再植。得地弗能為良。故天不能斲乎材之易成。士莫艱乎命之難進。伏念某。雖極人之艱阨。嘗為世所記憐。一作廢棄於黨錮之初。甄收於禁解之後。故府聯名於文部。書林接迹於俊躔。雖未霑塗轍之清華。已屢費朝廷之收挽。而某始求外祿。席未煖而丐歸。旋迫內艱。舟遇風而引去。蓋無地以承其資澤。非造物不與之流行。然父母生之。不思稍稍而自見。日月逝矣。乃欲閔閔以及親。仰視爰烏。于何從祿。天門蕩蕩。一布武以何艱。棘人樂樂。百此身而莫贖。閔餘倏變。人事復常。禮有盡而易窮。哀無涯而難盡。方將灌園以老。返稅於耕。使國人曰。幸有子哉。雖飯蔬食而無怨矣。矧彫年之遲暮。撫竒迹以踟躕。孰引手於斷綆之淵。復濫吹於英游之後。莫知稱塞。但劇凌兢。茲蓋某官。懋建大中。博延髦士。執度以成宮室。慨念才難。爪膚而視生枯。尚圖畦種。曲憐孤迹。不置它岐。但某積困煨塵。未窺墳素。深惟先朝祕府之重。庶幾豐芭數世之仁。皆懷郢握之珍。復毓藍田之圃。於皇得士。燕及無疆。今精儲麟閣之英。已度越瀛州之盛。采及叢品。恧焉厚顏。鈇槩者

書生之常為。敢忘加勉。流落者人情之所閔。更冀兼收。周益公大全集謝
除館職啓。從國子先生之後。六見月書。遙集賢小職之間。再承天詔。未
厭壁池之浴德。已容玉海之觀珍。茲惟造化之功深。夫豈凡庸之夢到。竊
以置圖書之府。歷代所同。號英雋之躔。明時尤重。蓋彼徒誇於典籍。而此
兼貯於人材。雖預宴詩賦。待遇幾同於兩禁。而進階廢職。愛憎或出於一
時。繇居官不責其有為。知流俗竊疑其無用。豈知封植拱把者。所以備明
堂之棟。寶藏璠璣者。所以成清廟之彝。但觀累朝傑出之資。可見三館養
成之効。欽惟上聖懋啓中興。臺計十金。未嘗賁飾。府模群玉。乃獨鼎新。隆
樓傑宇之于霄。隱帙奧篇之挿架。上追淳化。大書開秘閣之碑。密契皇唐
南向對憲臺之戶。譽髦斯士。宏達為群。必翰林墨客之俊才。識竹簡漆書
之竒字。馬書五尾。能辨其非。亥有六身。默通其數。迺宜當於清望。且不愧
於素餐。如某者。少日百罹。長耳第一。悲粟鍾之弗洎。固當屏跡於民廛。悵
菊徑之就荒。乃復萌心於仕籍。試吏未更於州縣。入官輒近於都畿。何有
聲稱。副滔大夫之深獎。居然號召。綴百執事之下陳。雖農馬之智專。曾犬
難之効乏。所憂被譴。及辱見治。矧臺家復古之秋。正館殿闕員之日。必使
上北門之對。乃令窺東壁之光。甫下新書。封武都之泥紫。遽尋舊習。忙舉

子之槐黃裏章服以宵興。抱槩鉛而晨入。餐錢供張。固無露索之持。涸思
蕪辭。幾有倒縑之笑。粗彈薄技。僅列奏篇。疑疏心恕。其空踈。當路面稱其
拙直。河東賦就。吹噓力致於上天。冥北風高。決起遂逃於控地。以凡骨而
預飛騰之數。以寡聞而照是正之曹。僥倖既多。忸怩亦甚。昔劉晏能譏於
朋比。而耀卿善屬於文詞。皆以竒童。振茲清職。慨漸衰於蓬鬢。難遠繼於
芳風。茲蓋伏遇僕射相公。鑪冶鑄頑。雲雷濟物。奉行故事。方將糠粃於弱
翁。刊落陳言。每欲網羅於韓愈。善類願忠而望賜。誠心校短以量長。何取
譎涼。使參畷艾。隔弱水者三萬里。示以津涯。登瀛州者十八人。近其步武。
王唯養。訥莫叙感藏。某敢不稍究六書。因推九寫。願李邕之一見。肯各近
功。友孔子之多聞。妄希遠器。或因涵養之力。粗報生成之恩。詳翰襄陵集
謝館職啓。險阻艱難。忽反神明之觀。拔擢倫比。來陪英俊之遊。弗稱所
蒙。更以爲媿。切以國家作稽於古訓。館閣遶簡於時材。紬繹人文。精符奎
壁。彌綸天造。祥發龜龍。儲在禁嚴。世爲寶祕。非揚雄之沉鬱。莫扼其竒。有
劉向之辯章。庶究其博。曾是群於大雅。蓋多出於名臣。品流一清。士譽遂
定。宜得俊賢之望。益爲盛世之華。柱史靖深窮四方之所記。石經是正萃
十兩以來觀。如某者學窘淵源。文之珎璋。一丘一壑。若有天資。三沐三薰。

殆非世器。獨服膺於此道。竊妄意於昔人。審分願以即安。忘歲年之易暮。被明月而佩寶璐。思飭躬以自竒。飲墜露而餐落英。恐脩誠之未潔。腰折彭澤之米。目送瀛州之雲。悠然一官。營在三徑。弗圖召節。忽至窮城。察于炳階。不見庸能之異衆。登之文陛。又乏智略以轅前。夫何甄錄之優。亦竊校讎之寄。緇象籤於四部。究鳥策於千齡。神氣清明。自發帝居之夢。圖書奧衍。盡窺王府之珎。於粲寵休。是謂褒顯。此蓋伏遇某官。荒包吟域。博洽群倫。亮皇極於五三。兼相業於二八。等差多士。權衡之制。石鈞養毓衆材。若巖阿之保草木。曾是鴻鈞之造。不遺一介之微。某敢不益強其所不能。究觀其所未至。又回章邦老賀館職啓。威鳳回翔。下恩書於禁殿。拈螯巔巔。登仙隱於神仙。稽古其榮。撫懷惟媿。伏念某。非弓則學。老矣何施。人逐利於馳驅。吾為之範。衆爭榮於暇豫。獨集于枯。志意凜乎猶存。歲月忽其已晚。一班一級。益無味於少年之間。三沐三薰。復何能於多士之日。得夫聽塞翁之馬。沉浮隨海客之槎。孰謂幽人。忽膺明詔。俾望玉墀之眸。穆獲游冊府之高明。冠彈半世之塵。履接群英之武。遂容濩落。一慰蹉跎。此蓋伏遇某官。游夏淵源。卿雲黼黻。遐不謂矣。蓋嘗博我以彌文。惟其有之。乃能立人於餘論。致茲孤陋。竊世寵褒。儻有合於明時。少神志願。期不移。

於素守。以辱友朋。林李仲竹軒雜著謝復職啓。試仙都之守。初玷使令。復延閣之名。更霑恩霈。冒寵榮之逾分。積兢懼以失容。伏念某。樸陋何知。羈孤少與。妄意淵源之學。耻從章句之儒。寒窓短檠。兄弟自爲師友。斷編蠹簡。朝夕竊對聖賢。斬志業之內修。皇聲華之外慕。偶塵末第。遂踵常途。實不副於師言。名輒詒於吏議。咎由已致。怨欲誰歸。希爵賞而媚帥臣。節廉安在。託火災而遷原廟。夷戮何傷。軫宥罪之深仁。從鑄職之薄罰。人亡心得。甘同楚子之弓。一去一來。頗類塞翁之馬。靖思所自。蒙幸何多。此蓋伏遇某人。合四海以爲公。閔一夫之不獲。寬其大戾。開以自新。知我有親。再分符於便郡。待人以恕。一洗過於丹書。乃矐危蹤。稍還舊物。某敢不恪敦素履。祇佩良規。不謹於前。方息黜而補劓。思善其後。當刻骨以銘肌。李大隱先生集答館職啓。寵膺明命。讎校祕文。詔旨初傳。士倫胥慶。竊以國家舉久曠之典。所以明試於人材。修已廢之官。所以儲養於英俊。待以歲時之久。須其望實之孚。取而用之。有可觀者。惟茲首選。宜得異材。某官。文備四科。學該九變。韜干將而未試。懷良玉以自珍。落筆變坡。論治明乎大體。奏篇黼辰。稱善發乎至言。果符反席之求。遂冠登瀛之舉。蓬山夢阻。數夢寐於舊遊。策府載開。喜典刑之尚在。重頌左顧。兼沐長牋。愧感之私。數

宣罔既。黃公庭知稼翁集謝館職啓

稅鞅南州。初離冗調。雖書東觀。誤

玷清流。辭恐近名。受慙非據。竊惟治道之隆替。常繫人材之盛衰。苟養於閒暇之時。而須其成。則至於緩急之際。而收其用。故皇朝大開儒館。列承明著作之庭。遴選時髦。典圖籍藝文之事。一無吏責。每號英遊。非獨究簡編之斷殘。抑將待器業之成就。或以淹該而持從索。或以詞藻而代王言。或經術淵源。而師表諸生。或識度宏遠。而參陪大政。凡旋登於要路。率多由於此途。矧夫睿聖中興。典章大備。追述祖宗養賢之制。式符堯舜稽古之心。珍館一新。掩天祿石渠之壯麗。遺書盡獲。軼開元正觀之盛多。自非博物洽聞。欲才偉議。苦心識子雲之竒字。強記誦安世之亡書。則何以接蓬萊方丈之游。紬金匱石室之秘。如某者。趁時獨掘。賦分最竒。鈍遲無倚。馮之才。涉獵乏夢熊之對。少壯努力。初欲無媿於古人。長大苦飢。豈敢有意乎當世。徒以家聲之墜地。要須儒術以謀身。不圖蕞爾之才。乃中褻然之舉。一行作吏。百不如人。自決科雖閱於八年。而蒞事纔更於二考。汲汲于斗升之祿。區區爲口腹之謀。忽被優遷。實踰素望。人皆散艷。目曰登瀛之榮。已獨凌兢。心懷臨谷之懼。重念寒門之先世。蓋嘗廁迹於英躔。坐復青氈。慙無散向父子之學。自量素業。難居傳班伯仲之間。何取孤蹤。亦陪俊

孰茲蓋伏遇某官股肱元聖羽翼斯文雖魏魏勲業之無前尚切切人物
之為意提携晚進不遺下體之菲葑收拾寸長盡種盈門之桃李遂令頑
陋亦預甄陶某敢不奮發遠圖溫尋舊習力死而後已之學讀生而未見
之書誓竭微軀仰酬洪造雖大臣務得人而報國不容謝私然志士為知
已而殺身豈敢忘德朱松韋齋集謝館職啓 拜嘉明命叨給札於禁林
試可中宸驟策名於藏室脫其煩之冗役廁清切之英游祇荷甄收良深
震愧竊以上聖御歷中興撫期方秉武節之嚴芟夷僭亂允資文德之助
叶躋艱難纂逸典以宣猷闢英躔而儲秀庶幾封殖以俟選掄惟先王大
訓之所藏繫歷世彌文之咸在圖書篋積黃墨紛綸本原四目之神靈聿
稽於詁訓緒正六書之變革精覈於聲形異因點勘之勤益廣見聞之富
向非多識天祿之奇字深探酉陽之秘文搜薤葉於名山訂金根於往牒
則何以刊讎四庫訂正九品如某者名實不揚人門俱下抱孤經而干澤
始脫名場遵三尺以在公亟縻吏役皇皇從食冉冉趨塵僅成取効以不
堪雖復傭耕而何憾值潢池之方熾伏錦里以深藏被檄行臺算商瀕海
為親而喜忘冗瑣之卑棲援上何階固崇高之絕跋已分甘於遠屏誤垂
簡於旁招貝齒長飢空羨公車之粟塵蹤易隔阻趨宣室之庭姑自信於

竒屯方日須於罷遣將改轅於下澤遂掃軌於循門俄被恩言俾程薄技
追暖姝之舊學取笑大方緝駮之蕪辭深慚少作寧酬發策甫就著篇
大手旁觀駭群公之堵立皇明俯燭備清燕之衡程仰惟聖學之高明內
省寡聞而隕越敢期睿獎加錫俞音追飛群玉之蓬獲肩於衆彥討譯曲
奎之畫博攷於前言望不素然恩誠有自此蓋伏遇某官材高經濟望重
擢階推至公之心整領人物收群策之助圖回事功拖及妄庸濫塵東掖
咸池在御不遺曹鄩之詩華袞所褒遂略春秋之責某敢不益堅難進之
節盡讀未見之書潛心聖門尚友先哲辨魯魚之謬何足報於生成澤霧
豹之文尚少勤於長育過此以往未知所裁崔敦詩舍人集謝館職啓

給尚方札誤塵清燕之觀閱中秘書遽冒峻遊之選目眩文章之盛神驚
光景之嚴輪桶登收天淵溷育歷攷古人事業之宏隘咸繫平時問學之
淺深積泓渟之素者斯有光明之功負單膚之累者必無美大之績究觀
國家設館閣之意豈求士夫專鉉槩之工上窮三墳五典八索九丘之初下
逮六藝九種七略四錄之別微至占相方伎之學詳及凡將急就之書山
負海含極羅絡包并之富天旋地縮震輝煌汗漫之觀儲其才能利澤斯
世假以歲月優游其間而况東壁靖深西崑邃密昭回在上連天潢左界

之章咫尺不遠近帝極紫宮之坐日費太官之餽時承清問之臨實斯文
在茲手宜東觀有人矣如某者迂踈散質荒陋淺聞臨文未解於撐犁識
字罔知於雌霓閉門攷古殫思慮於爻青仰屋著書萃朝評於尚白間關
祿養踈踈塵途品凡自合於麤官才短終虞於冗役學行失步皆自取之
轉衣爲裳未忍爲此敢意姓名之公麼遂聞旒冕之深嚴雖刻畫之難工
倍勞於餘論諒薦藉之良厚重違於大臣頒召命以趣前即詞坡而奉對
中堂落筆駭學士之環觀乙夜奏篇愧君王之稱善方期報罷忽玷選除望蓬
萊五色雲氣之中常恨溟波之隔聽洞庭九奏鈞天之樂始知帝所之遊
睇華閣以朝趨占明廬而夜直脫氛埃之地迹淺而尚疑瞻豐碑之居
魂迷而自失永言僥冒實有夤緣茲蓋恭遇大丞相運動國鈞翼宣王度
念文物彫零之不振扶持以救其微知人才成就之至難封殖以待其長
致茲東擢及此妄庸然而人實難知世常通患覽昌言論而嘆追古必有
取其淵源之初誦鷦鷯賦而期佐王亦足占於辭氣之際顧念遭逢之異
益難報塞之圖某敢不尊厥所聞求其未見鉉黃小技顧莫稱於明思精
白一心惟永堅於素履汪藻浮溪集謝館職啓 延閣崇成莫先求士寒
鄉曉出何自爲郎席寵則優語心而愧嘗謂治非文無以追古人惟學可

以發身故祖宗闢三館而侈之以承明著作之廷分圖書為四部而詳及於九將急就之學於此聚當世能言之士使之讀平生未見之書豈專求簡編之斷殘將因致簪纓之遠大然自臺閣興於漢逮今千二百餘年今藝文至於隋無慮三十七萬卷中值九流之紊寢更五厄之餘悠悠真贗之相承憤憤信疑之莫決興起能事屬當聖時方赫然珍館之新皆斷以淵衷之獨固已上符東璧奎星之象何至下擬蓬萊方丈之山共知身到以為榮或恨資高而不得如某者早緣承學中幸決科既慙愚與世以相違仍憂患迫身而不赦十載常竒而鮮偶一官數既以稀邊比銜恤於江湖幾捐生於溝壑間關至此不自意全反復思之有如痛定尚以闔門之百指托於謀祿之孤蹤無尺寸之膚不愛焉得升斗之水斯活矣敢圖過聽坐獲優遷起愁居懾處之中綴顯秩清資之未矧昔陪修於盛典蓋嘗寓直於英躔劉郎何止於重來應氏遂榮於三入茲蓋伏遇某官閣下學傾萬古勲塞兩儀湯用尹以格天蓋咸有德揚杜兼房而輔政初不言功既章章事業以無遺獨汲汲人材之為意故隆孤進不壅上聞某敢不蒐補闕文討論竒字唯乘鴈去來之何補誓蠹魚生死之不移不擇地而安已負事親之志為知己者用敢忘許國之誠 又回館職啓 某伏審光

奉詔除進登冊府得人之慶有識所同竊惟本朝之興尤高延閣之選學者獲殫於所見異人皆出於此塗自書厄於五胡忽時更於再閏簡編歸地鉉槩無人逮修久廢之官首得非常之士伏以學士身兼數器少有軼材當思皇多士之時擅博極群書之譽考聖人之學蓋將援古以証今條當世之宜無不會文而切理奏篇上達宸綽中頒擢處群英之先俾求中祕之逸未遑馳問首辱騰賤悚荷兼源敷陳罔既劉行簡茗溪集謝館職啓給札鑿坡初乏治安之策濫中大祿蔚為遲暮之榮聞命自疑脩躬衰之緒為四海風化之原雖復喪亂日尋艱難代有未見中祕之文多闕不聞外史之職弗修踵事增華於今為盛祖宗分三館以居豪傑有為之士闕四庫以儲古今未見之書切近禁嚴雍容嘯諾使其宵次揚摧吞太史氏之九流筆下淵源備國師公之七略故於採用皆本作成兩禁侍臣步武先於借路一時名筆事契擬於通家氣習尚傳風流可想惟選除之甚重則名實之加優如某者少有獨學之愚長無兼人之器術業荒於不試精爽耗於多憂流落以來侵尋且老不圖未至獲並俊遊訪簡編於煨燼之餘繼人物於風塵之後自云無補其忍饜榮茲蓋伏遇某官識洞幾

微氣涵英特謂蕭相收先秦之圖籍實佐開基而蒙毅獻舊楚之典刑有
同存國叅稽故實協贊謀猷要扶文物之顛廼見規模之遠肆令冗瑣辱
在品題某敢不益廣舊聞勉規來効領五經之讎校雖曰世官補三籒之
散亡終慙前哲異稍殫於歲月用仰報於生成過此以還未知所措文同
丹淵集謝館職啓 伏蒙聖恩授充前件職者程文禁林幸被詔寵列職
秘館謬叨恩榮度衷朽孱撫已慙懼伏念某出自遠蜀生於窮閭逢時之
文從事于學性自樸鄙才非淹長嗟磨簡編力不逮古撰綴辭語強無由
高名聞寂寥跡緒竒蹇退守舊業田園皆荒進于榮途道地逾遠嚮繇選
藝閣里偶塵薦書外名殿廷誤中科級是後更佐兩郡行周十年近緣公
章入改朝序尚茲僭妄敢爾僥希攀授前人引列著令愚悃上達宸音下
俞委之耆儒較以舊學並取者衆獨知取艱洎試淵題加多冗思小巫未
進靈氣已銷大匠在前汗顏不止飛景將入蕪音僅成機杼不工痕疢固
滿猥當奏覽常待報聞敢期清流亦用微品竊謂圖書之府英雋所躔亡
似而居有覲其面靜惟之致良有所階此蓋伏遇某官獎育微才推揚介
善言辨藏否人爲重輕眷茲單平陰所提振是致儒品亦外華階惟精乃
心以辨厥職庶酬已目無玷恩陶卑情無任感荷激切之至王安石臨川

集論館職劄子 臣伏見今館職一除。乃至十人。此本所以儲公卿之材也。然陛下試求以為講官。則必不知其誰可。試求以為諫官。則必不知其誰可。試求以為監司。則必不知其誰可。此患在於不親考試以實故也。孟子曰。國人皆曰賢。然後察之。見賢焉。然後用之。今所除館職。特一二大臣以為賢而已。非國人皆曰賢。國人皆曰賢。尚未可信用。必躬察見其可賢而後用。况於一二大臣以為賢而已。何可遽信而用也。臣願陛下察舉家人。所謂材良而行美。可以為公卿者。召令三館祗候。雖已帶館職。亦可令兼祗候事。有當論議者。召至中書。或召至禁中。令具條奏。是非利害。及所當施設之方。又當其才可以備任使者。有四方之事。則令往相視問察。而人或令參覆其所言。是非利害。其所言是非利害。雖不盡中義理。可施用。然其於相視問察。能詳盡而不為弊蔽欺者。即皆可以備任使之材也。其有經術者。又令講說如此。至於數四。則材否略見。然後罷其否者。而召其材者。更親訪問以事。訪問以事。非一事而後。可以知其人之實也。必至於期年所訪。一二十事。則其人之賢。不肖審矣。然後隨其材之所宜。任使其材。尤材良行美。可與謀者。雖常令備訪問可也。此與用一二大臣薦舉。不考試以實。而加以職。固萬萬不侔。然此說在他時。或唯行。今陛下有堯舜之

明洞見天下之理。臣度無實之人不能蔽也。則推行此事甚易。既因考試可以出材實。又因訪問可以知事情。所謂敦納以言。明試以功。用人惟已。闢四門。明四目。達四聰者。蓋如此而已。以今在位之人。上下壅隔之時。恐行此不宜在衆事之後也。然巧言令色。孔士之人能伺人主意所在而為傾邪者。此堯舜之所畏而孔子之所欲遠也。如此人當知而遠之。使不得親近。然如此人亦有數。陛下博訪於忠臣良士。知其人如此。則遠而弗見。誤而見之。以陛下之仁聖。以道揆之。以人參之。亦必知其如此。知其如此。則宜有所懲。如此則巧言令色。孔士之徒消。而正論不蔽於上。今欲廣聞見。而使巧言令色。孔士之徒得志。乃所以自蔽。畏巧言令色。孔士之徒為害。而一切疏遠群臣。亦所以自蔽。蓋人主之患在不窮理。不窮理則不足以知言。不知言則不足以知人。不知人則不能官人。不能官人則治道何從而興乎。陛下堯舜之主也。其所明見。秦漢以來欲治之主。未有能彷彿者。固非群臣所能窺望。然自堯舜文武皆好問。以窮理。擇人而官之。以自助其意。以為王者之職。在於論道。而不在於任事。在於擇人而官之。而不在於自用。願陛下以堯舜文武為法。則聖人之功必見於天下。至於有司叢脞之務。恐不足以棄日力勞聖慮也。以方今所急為在如此。敢不盡愚。

臣愚才薄。然蒙拔擢。使豫聞天下之事。聖旨宣諭富弼等。欲於講筵召對。輔臣討論時事。顧如臣者材薄。不足以望陛下之清光。然陛下及此言也。實天下幸甚。自備位政府。每得進見。所論皆有司叢脞之事。至於大體粗有所及。則迫於日昃。已復旅退。而方今之事。非博論詳說。今所政更施設。本末先後大小詳略之方。已熟於聖心。然後以次奉行。則治道終無由興起。然則如臣者。非蒙陛下賜之從容。則所懷何能自竭。蓋自古大有為之君。未有不始於憂勤而終於逸樂。今陛下仁聖之質。秦漢以來人主。未有企及者也。於天下事。又非不憂勤。然所操或非其要。所施或未得其方。則恐未能終於逸樂無為而治也。則於博論詳說。豈宜緩。然陛下欲賜之從容。使兩府並進。則論議者衆而不一。有所懷者。或不得自竭。謂宜使中書密院迭進。則人各得盡其所懷。而陛下聽覽亦不至於煩。陛下即以臣言為可。乞明喻大臣。使各舉所知。無限人數。皆實封以聞。然後陛下推擇召置以為三館祗候。其不足取者。旋即罷去。則所置雖多。亦無所害也。又臣伏見某人云云。皆衆人所謂材良行美。宜蒙陛下訪問。任使者。凡此九人。臣或熟聞而未識。或熟識而未敢任。或敢任其可以為公卿。臣雖未識。然衆人之所謂賢臣。不敢蔽也。臣雖敢任其可以為公卿。然陛下不親見。

其可賢。亦唯遽信而用。若陛下以臣前所論奏為合於義理。即乞悉置此九人者以為三館祗候。親可試其才行。若不可用。旋即罷去。若其可用。然後留備訪問。任使如此。則所置雖多。未有濫得官職者。然此但臣一人所聞所知。恐執政大臣各有所聞所知。陛下若令各舉所聞所知。而如此考試。庶幾人材無所遺逸。經曰。舉逸民。天下之民歸心焉。善人君子者。天下之民心所願舉。欲其延問視其所在而從之者也。陛下自即位以來。以在事之人。或乏材能。故所拔用者。多士之有小材而無行義者。此等人得志。則風俗壞。風俗壞。則朝夕左右者。皆壞利以事陛下。而不足以質朝廷之是非。使於四方者。皆懷利以事陛下。而不可以知天下之利害。其弊已効見於前矣。恐不宜不察也。欲救此弊。唯有親近忠良而已。伏惟陛下仁聖已深。察此理。臣愚猶敢及此者。忠臣惓惓之義也。洪文安公小隱集館職策問。祖宗以三館育天下之英才。推擇之重視。漢之藏室。唐之瀛洲。為不足道。故必閱試其人。然後命之。則有事於此者。非但若場屋進士為以取科級而已。今天下之事多矣。而其大者三焉。曰兵。曰吏。曰財。兵自比年。徂於無事。閱習之不以時。養之不以道。將姑息而不變。數則解弛。因循不足以致一日之用。議者或欲汰瘠弱。華冒濫。作而新之。則張皇紛更之。

虞在所慮吏員猥并文武官在選過二十輩率以三人守一官而不足置之而不問歟則淹滯失職非足以待四方之士議者或欲裁任子柅流品改而張之則少恩變古之譏在所恤歲入有限調度日增有司供億之不支民力困匱而無已一意於愛民歟則養兵贍國不能以為卒歲之計議者或欲謹逋斂嚴征權權以濟之則竭澤無魚之憂在所先此皆今日之急務吾君為之寢而不寐當饋而嘆亦學士大夫所宜有獻也願聞至當之說將以復于上衛後樂先生集召試館職策 問國家規畫長策思救武功綜核庶政盡革平世具文之習將以恢王略而飭戎備敢問今之急務孰緩孰切夫建事以擇材為本經武以疆兵為先調度以裕財為難儲序以足食為重朝廷議論所及皆已次第舉行矣薦舉之詔首加於將帥之選又及於文武小大之臣不知可以博盡群材否乎或謂介冑之所長搢紳之論豈能盡論其優劣下僚之寒滯而上官之薦進未免有所遺遺則將何以聞掄材之路歟中都簡試嚴良家之選諸路招募廣効用之額徒隸起戎收勇敢之士不知可以增儆軍實否乎或謂選汰子弟拘於等則之不齊至反遺其技藝招刺新兵雖可充尺籍之數而倉卒豈容責其練習適戍征行動為民擾安能使之循紀律而用命則它何以為整兵之

計數軍須供億支費寢廣常賦不可輒加矣置國用參計之司以覈天下之財廣鬻爵度牒之數以爲權宜之策不知可以佐調度之乏否乎然州郡私其所入未必以出納之實上聞或迫之太急必至並緣爲欺恩命優於舊比而應令者殊鮮異時勸誘不至寧免敷抑之病則裕民之道本未猶有當講者歟通融常平以濟轉輸之不給分委和糴以爲蓄積之先具不知可以實塞下之備否乎然官吏苟且目前增補不能以足脫若小歉荒政何所倚賴近甸糴數太多商賈輻湊逐利一時雖可辦集民間能無續食之憂則足食之方先後猶有可慮者歟伊欲使時材奮興而有適用之實王師精銳而有必勝之形版計周裕而源流無壅兵食充羨而公私無害子大夫當有深長之思以裨今日濟時之略其詳陳之將以復于上未晦庵大全集荅石子重 且如自己爲學官爲館職遇朝廷有利害得失或是宰執臺諫所當理會者它不理會自己要緘默又不忍國家受禍要出來說又有出位謀政之嫌如之何則可曰若任它事却不可若以其理告君故不可若是大事繫國家安危生靈休戚豈容緘默館職又與學官不同神宗固嘗許其論事矣但事之小者則亦不必每事數言也胡文恭公集贈梅聖俞試館職得賜進士出身 賦就甘泉客薦雄獨攀仙桂

向秋風抽毫同列三英座換骨才爭第一功
瞥看靈鷲居水下恍聞仙犬吠雲中
嫦娥應有憐才意唯許詩人到月宮
出雪齋廣錄王十朋梅溪集

劉韶美辭試館職 學問稱博洽向後無此劉
太乙然青藜遵君天祿游

給札試玉堂故事久不修遴選先實才
聞之輒掉頭我迺行祕書肯隨鉞

槃汨三日掃虛室佇想心悠悠張羅君
不顧竊食吾懷羞西風吹蒹葭倚

玉嗟無由趙蕃淳熙稟賀吳仲權
召試館職 重為胡外別難寄日邊書

巨敢踈風義欣聞有詔除圖書天祿閣
文陳玉堂廬祕記資離校人材務

養儲端如策晁董不比召嚴徐
惟我高曾世曾仍位序居永懷元祐始絕

數建炎初衰謝今如此淒涼實在予
高

祖嘗為祕閣校理曾祖為祕書少監

幕職

為政措範幕官之職衙門大小事務無不干係

實六曹之領袖一署之喉襟也一應文案
該吏書條之後方赴幕司自下

而上圓簽然後堂上呈押苟或稟議未
定遽憑下筆不唯不可施行抑且

失於專擅凡遇吏者赴幕僉書文字
必先檢視於理可否然問其堂上曾

無稟說定體若已稟定又須儘及長官
如何纔方下筆庶無差誤其或堂

上主議而中間事件有妨碍不可行者
必須拉同寮詣堂判析利害長官

定奪衙門事務有遲錯者隨即檢舉
施行各房吏有弊者隨即量事究治

此幕官之職也朝野類要僉判司理司法司戶錄參節推察推節判察判之類幕者本以主帥出塞從權安營立帳而得此名如衛青幕府是也書林事類王儉以庾杲之為長史蕭緬與儉書曰盛府元僚實難其選庾景行字杲之泛綠水依芙蓉何其麗也時人以儉府為蓮花池戴石屏上蕭推節詩歲舉幕職續通鑑長編景祐三年八月甲寅吏部流內銓詳定內外臣僚歲所舉幕職州縣官自今待制觀察使以上舉三人知雜御史閣門使以上二人侍御史諸司使以上一人其轉運使副提點刑獄即不限人數舊當三人者止當一人仍須有本部監司長吏及通判薦舉者始聽磨勘劉牧送張損之赴任定府幕職序 我國家以仁策馴有北四十年矣歲時遣使挈詞弊修聘事焉朝廷有大慶及大事亦罔不與足蹈吾境目觀吾民斂手帖帖如家人焉故朔方之民往往老者忘父兄之讎而壯者不識戰鬪事何以言之長老常為牧言邊防事云兩河間夷未通好時其民過隣里親舊家必帶刀劍霜降農閑里胥鄭長會民習古戰陣之法居常畜健馬乾食冠至裹狼持劔帶甲上馬不悔戰死以怯為耻通好後中年戴白之叟入武庫指兵器亦尚能辨其名物與其使用當時老者今已死矣當時壯者今已老矣子孫生來見聞保障不驚城池不完開門逢

迎不見危疑食稻衣錦養移於體雖其風俗耐辛苦尚武勇而無事以來
習熟爲然亦少殆矣朝廷既以朔方爲安凡沿邊郡縣文武之任循例而
授士之從政選懦不材者貪其飲食賜予十倍內郡不憚其去輕揚急進
者貪其階緣知遇其勢易獲亦十倍內郡咸樂其補故今官邊任者粉墨
雜糅矣噫凡人有家雖無事時未嘗一日不嚴門庭之限藩籬之固其與
人也雖親戚友善許相死生亦不忘去內外之別川者腰舟具馬山者獸
獲存焉爲人牧民者如之何不之思也在易復象曰先王以至日閉關商
旅不行釋者謂四夷爲中國之陰王者必却而外之先王閉關而却外所
以擬其象也必至日者乘陽長陰消之際設備務速明不可移時也商旅
不行小人喻於利亦防奸之謂也天之愛民久矣必爲生智者以謀之損
之是行豈貪飲食速知遇之徒歟損之居常與人言必慷慨時事今其行
有日同年友弟劉牧取酒酌勸侑以言曰今夷人保信誓河北固無恙第
其民之疾苦治之得失物之利害將盡忘之乎而又職事官之任平居時
則投壺雅歌奉樽俎之驩與記奏之事在軍旅則參謀畫擁楯騎馬而裁
檄書北方多賢諸侯如訪損之以政者則當思所以應之勉樹功名無爲
具腰舟設獸獲者笑之歐陽公集送歐陽南陽赴廬陵幕職 弱冠艾緇

素芳年綴裾簪臯比便章府蟬蠹良史林深期售荆璞倏去懷南琛回翔
學吏隱踰踏守官歲十載重沿牒交遊辰與參思親恨悠緬遇舊老侵尋
翹被諸鳳曹輪飛貽好音翳翳白鷺翻肅肅青江潯雁鷺蒺洲渚稂稊卧
秋霖修翎頽俛咏攬翻有遐心
我思陸義齋堂堂偉男子綉衣所經

行網滂不專美及茲諒非耄胡乃久不起傷哉不可識吾道良已矣我思
王東巖為政終宰邑剛腸觸強禦是使儒者立百里淹士元公論非所愜
惜哉不可識寒雨短景急書林事類蕭推節詩掇取高料如拾芥愛君才
調望君深莫誇書判居蓮幕要把文章入禁林文獻通考宋朝祖宗以來
重之有集賢殿修撰後改名文殿直龍圖閣直秘閣三等政和四年二浙
福建諸路監司郡守往往交通內官多以應奉有勞遷職遂有未嘗朝覲
天子因忽為待制班從官者蔡京不樂六年因增其目置修撰與舊為三
等曰集英殿修撰右文殿修撰秘閣修撰直閣與舊為六等曰直親圖閣
天章寶文顯謨徽猷祕閣朝廷除授自此密矣舊貼職無雜壓至是因增
置乃定為雜壓蔡攸國史外補紹興十年置直敷文閣淳熙十五年置直
煥章閣淳熙令自集撰至直秘閣為貼職中興後直
閣為庶官任藩閫監司者貼職各隨高下而等差之

三班借職

事物紀原談苑云。舊制有借職承旨。太宗雍熙中。改曰三班借職。會要以謂淳化二年正月也。談苑又云。自供奉至借職。其員無數。亦漢三署郎比也。按今自崇班以上曰大使臣。供奉以下至借職為小使臣也。職官分紀國朝元祐令三班借職從九品。宋類苑石曼卿初登科有人訟科場覆考落數人。曼卿是其數。時方期集于興國寺。符至追所賜勅牒靴服。數人皆啜泣而起。曼卿獨解靴袍還使人。露體載幘頭復坐。談笑終席而去。次日被黜者皆授三班借職。曼卿為一絕句曰。無才且作三班借。請俸爭如錄事參。從此罷稱鄉貢進。直須走馬東西南。筆談劉攽彭城集延州藩落都虞侯。俄千男仲政可三班借職制。勅某壯士戰死。勇於報國。義是可嘉。恩用不遺。由乃父之盡力。俾藐孤之蒙祉。古之道也。爾其勉之可。又三班奉職。孫幹男忠臣可三班借職。制勅孫幹男忠臣永樂之戰。爾父没于敵場。狗義忘身。其可嘉也。郵孤置後。吾何憂。一作愛焉。爰疏茂恩。以勸勇士。可。又冀州助教鍾迪可三班借職制。勅具官某山澤之利。三三而有連錫。是地不愛寶。以為邦用。然必因人而發。其勤不可不勸也。賞有定格。汝是膺之。卑以新命。是為殊寵。可。又蕃官惠逋移厥可三班借職制。勅某其在種落。皆為酋豪。相率款邊。足明歸義。重譯而膺綸綍。解辯而襲

簪裳。恩實不訾。圖所為報可。又皇太后殿管勾文字夏崇可三班借職制。勅某執事長樂。效勤官書。廷宸推恩。厥有前例。始命受服。是謂寵光。罄而大馬之誠。以冀涓塵之報可。又李佛郎與右班殿直梁仲文李養並與三班借職制。勅某人等。朝廷惟寇盜強圍。暴奪良民。名捕魁首。厚設爵賞。而佛郎等。用志協力。罪人斯得。賜金既以差予。懋官亦宜溥及。各疏茂恩。以報成效可。又皇太后殿管勾文字朱宗懿可三班借職制。勅某執事官省。效力文墨。歲月之勤。良可省錄。粵屬誕辰。厥有前例。錫茲初命。齒于仕版。可。鄒道卿先生集黃持補三班借職制。自我祖考以來。所以待曹氏甚厚。故僧之逝也。嘗俾官其諸孫。而誘則以其所當得者。為爾請焉。寵進爾官。勉思飾勵。又李濟補三班借職制。勅具官某男某。爾父隕于行陣。朕甚憫之。錄爾以官。是為忠報。又李昌本補三班借職制。勅具官某。朕惟風化之本。肇于中宮。故推異恩。以貢其父。其家所欲授者。朕則審而從之。爾既入官。勿忘祗飭。又孟勝轉三班借職制。勅具官某。爾父以忠濟勇。數有戰功。回厥寵遷。用陞爾秩。勉從訓令。相與致身。尚有官榮。待爾自効。又孫志雄等補借職制。某等。爾父隕于行陣。朕甚憫之。錄爾以官。以為忠報。往其奮勵。茂對恩靈。又韋定男晟補借

職制 爾父服在邊陲。隕于虜寇。憫其忠奮。續以官榮。宜思無忝之言。往勵酬恩之志。爾能自効。尚有褒陞。又胡舜臣補借職制 具官某朕於死事之孤。尤所矜恤。而有司言狀。以爾名聞。往續官職。勿忘忠報。慕容彥逢掄文堂集。故淑妃張氏姪張琬。張瑾可並補借職制 勅具官某等。故妃遺言。祈恩近屬。錫爾一命。往其欽哉。可。婕妤張氏姪孫張承。可借職制 勅具官某。官闈進尉。以恩回授。今爾官使。往其欽承。可。故駙馬都尉曹詩女夫進士時 微可借職制 勅具官某。爾為倩於尚主之家。獲備官使。無忘勤恪。以報恩章。可。醫官周道隆。任景章。楊處厚。大將耿道淳。韓中立。書藝局。藝學。許成。吳成。翟易。韓奕。曹成。趙永。圖。陳德之。張友。王從志。蹇仲恭。韓球。國畫局。藝學。元方。卞士。端元。遵尚。從吉。杜宗。範。郭惟簡。可各轉一官。皇城使榮州刺史宋渙。姪男。越。皇城使俞隨。男。儋。左藏庫使壯公才。兩姨弟。劉渥。已上三人。各回授補借職制。 勅具官某等。朕即英祖舊邸。崇建寶坊。爾等或祇奉之勞。或膺回授之典。錫茲寵命。往其懋承。可。景福殿使明州觀察使楊戩。親堂姪。茂。實。可借職制 勅具官某。姪某。爾之諸父。率職禁廷。有勞當遷。許其回授。用錫爾秩。時乃異恩。宜懋忠勤。往圖報稱。可。程植。可三班借職制 勅具官某。爾以勇敢効用。克有

戰功錫茲官。榮往加厲勉。可。故三班借職紀育弟紀震可三班借職制。勅具官某弟某。爾兄奮武戎行。委身殉國。嘉其忠節。悼念不忘。錫爾以官。往惟祗服。可。兩朝佑聖太夫人重姪孫仲康仲弼可並三班借職制。勅具官某等。朕追懷恭懿。褒卹其家。錫汝恩章。列于命秩。往服事任。無忘恪勤。可。太后殿掌牋奏耿茂直劉豫可並特授三班借職制。勅具官某等。爾等職在牋筮。預茲慶恩。命以官榮。往祗乃事。可。勅具官某等。爾父以成書來上。宜有褒陞。乞移恩章。屬于子姪。進官一等。時維寵嘉。圖稱所蒙。無忘忠孝。可。楚州解發到呈試武藝人劉決可借職制。勅具官某。爾試藝殿廷。武勇可獎。錫之命秩。俾服事勞。往克懋承。尚有褒擢。可。百姓滑永全可三班借職制。勅具官某。惟爾敏於筆札。祗奉有勞。擢自民編。錫茲命秩。仍加餼廩。併示勸能。往懋恪勤。以稱恩典。可。故右侍某尚清男均坦可並特授三班借職制。勅具官某等。朕推恩死事之孤。以勸忠義。錫爾命秩。其往欽承。可。左知客押衙兼知進奏事崔通可借職。勅具官某。爾以勞能。達於朕聽。錫茲命秩。其往欽承。可。故右班殿直馬宣男宜可三班借職制。勅具官某。爾父死於行陣。臣節可嘉。優卹其孤。維以示勸。授之命秩。仍錫美名。往服恩章。勿忘忠孝。可。故內殿承制李

仙長男峻次男峻孫忠履可並與三班借職 勅具官某等爾父效職邊陲死於金革肆推恩典優卹其孤服茲官榮無忘忠孝可 故太中大夫魏漢津親女夫張清可三班借職制 勅具官某漢津之家祈恩于爾錫茲命秩其往欽承可 左班殿直邊壽可右侍禁大將宋諒史叙可並三班借職制係大理寺祗應人 勅具官某等以爾祗事有勞宜加獎激錫茲恩典往其欽承可 皇后三從伯王子約可三班借職制 勅具官某爾以戚屬之良預茲慶典官于武列往洹事功圖稱所蒙莫知忠恪可 故右侍禁張安氏男思賢思忠可並三班借職制 勅具官某等爾父奮不顧身死於金革推恩子姓惟以勸忠服茲命書無替厥紹可 蕃官三班奉職李琮男永誼可三班借職制 勅具官某死事之孤寵以官使維忠維孝迺稱所蒙汝往欽哉勿替朕命 故三班借職紀育男荅特與三班借職制仍賜名紹 勅具官某男某爾父奮身疆場效死戎行有司以聞朕所悼念錄爾命秩并賜美名移孝為忠茲為克紹可 潭州都知兵馬使張繼隆可三班借職制 勅具官某帥臣上言爾有勞効命以官使往其欽承可 茶酒班殿侍鄭永立可三班借職制 勅具官某爾父監督有勞宜加甄獎以資回授時乃特恩錫爾官榮往思所稱可 虎翼右第

一軍都指揮使秀州刺史陳興男寶文御龍直長行李謹可並三班借職制 勅具官某等朕推恩死事之家以勸忠義命爾官使往其欽承可

三班差使房從壽可三班借職制 勅具官某爾久服事勞宜有褒叙命以品秩往其欽承可 故右侍禁王卞女夫薛安靖可三班借職制 勅

具官某爾之外舅以身徇忠推恩其家爾名表上錫茲命秩往務欽承可 故右侍禁王卞男仲錫可三班借職制 勅具官某惟爾父奮不顧身

死於金革宜推恩典優卹其孤錫爾官榮往圖報稱可 睿思殿御前文字外庫書寫文字郭景倩可三班借職制 勅具官某爾以書札之勞宜

加甄獎錫茲命秩其往欽承可 大將發運司前行徐楷可三班借職制 勅具官某惟爾久服吏勤克有勞列錫茲命秩其往欽承可陸佃陶山集

宣徽院通引官行首解中立可三班借職制 朕罷不急之官而宣徽院廢以爾祇事以此歲時頗久錫之一命其往慎哉可曾鞏元豐類藁馮正

符借職制 勅某西南夷背德獸心敢闚邊隙爾能宣通兩誼協助軍謀宜進官榮屬之守護勉思奮厲無替前功可 王瑛揚宗立三班借職制

勅某爾等備吏屬治文書勤亦久矣是用從爾之請錫之命秩往惟祗飭以稱朕恩可 齊宗壽三班借職制 勅某有司言爾滿歲當遷而獎進

爾勞又當躡等是用加茲寵渥列惟命秩往惟祗服以甄收可彭汝礪鄱陽集故榮州刺史張世矩男天錫可三班借職制 勅某知府州折克行言爾父甚豈有力能自奮忠義富良之役身荷戟馳不測之軍用走有功始終邊陲能效邑著不幸以死公私悼歎乞推恩禮以勸師没夫爵祿為才能者設朕不敢有愛肆命爾官茲非常典爾且長壯尚知所報哉可故三班奉職趙進男忠三班借職制 勅某朕念爾考克隕身于王事是用錫汝一命賜汝名忠速汝長壯尚知無忘可 故三班奉職李安元簡三班借職制 勅某汝弟安没于戎事朕靡或忘肆命汝官以勸忠義

三班奉職

事物紀原談苑曰皇朝建國之初承舊制有殿前承旨雍熙四年改為三班奉職國朝會要則其事在淳

化二年正月改也職官分紀國朝淳化二年改殿前承旨為三班奉職蘇耆續翰林志國朝舊制有殿前承旨頗甚繁雜及公拜翰林承旨上以其稱乎不別又惡其清貴殺亂詔改為三班奉職以避其稱也舊聞證誤按實錄淳化二年正月改殿前承旨為三班奉職時宋文安白為承旨久矣九月宋公賤蘇文簡始為承旨學士耆繆矣元祐令三班奉職從九品祖宗官制舊典三班奉職借職國初無此官太宗朝欲增使臣等級遂置此

名舊聞證誤按實錄太宗改殿前承旨為三班奉職非增也太子所增乃崇班侍禁示比選人其差遣同供奉官以下注焉其後又有三班差使借差不入品假其名而已政和初以承節易奉職以承信易借職云慕容彥逢搗文堂集故三班奉職梁權兄髦可三班奉職制 勅具官某惟汝天倫死於金革宜推恩典優卹厥家用錫官榮汝其祗服可 開封府職級李湍可奉職開封府額內守闕府典事于士明可借職制 勅具官某等軍器建局爾與有勞錫茲官榮往其祗服可 三班借職孫采可三班奉職制 勅具官某爾諳練獄事推鞠有勞擢進一官以示嘉獎欽予時命尚加勉旃可 故如京副使石福男堅可三班奉職姪男珪保姪孫成可並特授三班借職制 勅具官某死事之臣朕所閔惻肆推恩典以卹其家命爾官榮往思報稱可劉邠彭城集一班殿侍衛涓可特授三班奉職制 勅某人卹孤錄嗣朝有著令矧父膺隨龍之遇宜厥子蒙世祿之榮粵疏茂恩俾從新命可 蕃官唵哆可三班奉職制 勅具官某唵聲親弟唵哆朝廷錄死事之孤所以閔忠而勸能也唵聲果敢有功沒於戰陳而無子息可被任用施及同產使庇族屬服我優卹思著來效可 蕃官京唵結京唵脚鐸搆並可三班奉職制 勅某等其父為國亢賊敵堅力

寡恪闕而死勇壯可嘉錄其孤兒以示慰卹可 殿前東西班弓箭手劉
密可三班借職制 勅某以挽強射逐勇力出衆試之集教亦能無過宜
可錄使以責來效可 故御前忠佐步軍副都頭成宗男京可三班奉職
制 勅具官某男某陳力奉上得親殿陛之嚴哀死卹孤宜有惟蓋之報
詳推往績宜示賞延粵疏渥恩用光存沒可 李貴男遵可三班奉職制
勅具官某男某乃父歿身行陳以死效力雖其微品志可嘉也哀死卹孤
朝有常憲錫爾一命以勸來者可鄒道鄉先生集曹擘妹婿劉復特與三
班奉職制 勅某朕以曹擘乃賢懿大長公主之子仁宗帝皇帝之外孫
也憫其不壽特推異恩而擘父詩以爾為請勉自脩飭母愧官榮 揚文
翰弟文真補三班奉職制 文翰既歿推厥承襲而光爾等咸曰汝宜邊
吏以闡在所褒錄往圖報効益勵忠勤彭汝礪鄱陽集散指揮右第一班
長行李清三班奉職制 勅某爾父貴服勤積年靡蹈罪廢今其歸矣何
以慰之錫汝一官俾嗣祿食尚執廉謹以圖攸終可宋鑑王震撰故內殿
崇班劉景男可奉職制 有臣不難殺身以報圖賞其可薄乎顧死者已
矣殆祿其近屬尚為之旌勸永惟乃父之忠勞爾是以有祿不可勉哉梅
聖俞宛陵集送王景憲奉職詩 清羸將家子苦節自寒儒四壁我何有

一錢君亦無下灘船自急聞鴈日將晡行愛青山口人煙事網眾李直講
集送杜奉職詩青紫皆同道稀曾到薜蘿感君非我輩無事每來過此
別當貧病何年共醉歌人
生有後會爭柰鬢雙皤

永樂大典卷之二萬四百七十九

重錄總校官侍郎臣陳以勤

學士臣王大任

分校官修撰臣諸大綬

書寫儒士臣吳仁

圈點監生臣林汝松

臣董仲輅